



楚庭耆舊遺詩

侯康

原名廷楷字君模番禺人道光乙未舉人著有惜

燭山房詩草 譚玉生云君模孝廉幼擅詩名并

嫻儷體阮儀徵師相督粵開學海堂校士得所擬

庾子山謝滕王集序啓二首擊賞之命與周秩卿

孝廉鄭萱坪明經胡稻香茂才同輯四書文話既

而浸淫於經史之學著作等身其成者有穀梁禮

證後漢書補註續三國志補註後漢三國藝文志

各若干卷不獨以詩傳也然集中如讀史勵志諸

楚庭耆舊遺詩卷古

一

作具見根柢槃深固迥異於翦紅刻翠者少作有

落花十三首句如粧卸可容留半面情癡猶擬插

雙鬟仙子亦難開頃刻美人原不戀繁華撩人愁

思眉雙瑣過客光陰指一彈春成畫餅休重憶樹

有還丹或再開二分塵土三分水十日風光九日

陰入耳怕聞金縷曲關心重續玉簫絲亦能自出

機杼不落昔人窠臼中性通俗時與余吞花臥酒

畫壁旗亭亦以中年哀樂聊藉絲竹陶寫固不同

小杜十年一覺揚州夢博得青樓薄倖名也嗚呼

昌谷之集僅存北海之文誰購是可傷已

乾亨鉛錢歌

廣東火  
南海伍崇曜紫垣編

後集十四

平生未解呼錢兄獨嗜金石殊有情太公九府不可得班  
史空記方圓形洪遵泉志富收蓄今無其器存其名按圖  
索驥亦奚益論古真欲嗤羣盲一朝貧兒忽暴富五銖四  
銖羅縱橫古色斑斕字可識大紀年號維乾亨我聞漢法  
鑄半兩雜以鉛鐵其罪黥鐵官錢始公孫述五代之季尤  
通行茲獨用鉛創新意縱環鶩眼無其輕吾粵銅場頗不  
乏數其大者韶連英韶州連州英州俱有銅場見九域志採取既窮及鉛礦  
廣州之穴梅州坑廣州化蒙有鉛穴見唐書地理志  
梅州程鄉石坑有銅場見九域志燒鉛  
作銀本仙術丹竈百煉光熒熒當年藥洲聚方士何不點  
化黃金成鑄作重輪小利耳錐刀之末徒起爭豪侈國用  
苦不足以十當一頌水衡城內城外設厲禁犯者臣庶無

楚曆舊書卷十四

二

逃刑瓊仙妖惑同姘女金堂錢寶誰聊生羊頭二四天雨  
至南人喜躍如拔釘六州聚鐵難鑄錯百五十萬安足榮  
宋太祖賜劉鋹錢一百五十萬是時鉛錢落何許土花剝埋榛荆錢神

有靈不終晦出與好古供品評物雖僞朝製則古漢唐遺  
式留典型永平元寶出前蜀董道錢譜載諸僞錢有順  
承平元寶前僞蜀王建鑄  
天得一傳思明史思明鑄順天得一錢宋熙寧  
間有人發地得之見夢溪筆談霸圖銷歇

且弗歎千秋萬歲洪遵泉志載錢文曰千秋萬歲同遐齡

鐵孫司訓藁城行有日矣作序以贈短至前五日借

石谿玉生話別酒樓君與石谿隱志甚堅且爲道

吾邑蘿岡洞風物之美擬結鄰焉觸余素懷亟訂

後約以前序未及此意復作長歌聊當左券以勸

駕之際爲招隱之辭言之不疑恃惠子之知我也  
有田不歸如江水無田不退亦貪耳少年壯志摩雲霄烏  
知此言有妙理邇來憾壞百憂纏心勦形瘵無停晷鷄蟲  
得失竟何如七尺以外真脫屣惟有區區讀書心日據空  
案鑽故紙我生才分本有限一身兩役勞無已旣不能底  
柱力障江河下又不能長繩挽住歲月駛善刀而藏亦長  
技刻意丹黃謝青紫歸來必待賜鑑湖買山而隱古人恥  
負郭二頃宅一壩隨分自足聊知止著書仰屋傲公卿彈  
琴詠詩中商徵平生虛願蓄未宜同心忽得徐孺子况有  
叔度千頃波時月一見祛煩鄙我家賁隔近蘿岡夏荔冬  
梅燦成市鷄犬鳴吠卽桃源風氣淳樸過栗里誅茅試闢

蔣生徑羊求二仲同芳軌君當捧檄筮仕始會看春風放  
桃李興公雖著遂初賦安石恐爲蒼生起人生出處終何  
常要知息壤言在彼詩成更報熊安生脫身無爲在泥滓

遂江亦與君  
有結鄰約

秋日咏懷擬張曲江感遇

百卉爭春榮黃花門秋色陶公晚節堅興趣偶然適我本  
癡頑生未敢希彭澤把酒坐東籬聊以數晨夕涼月上娟  
娟相對成三益

嗷嗷林間鳥受哺依其子西風吹庭樹吾親已老矣何以  
娛老親捧檄毛義喜祿仕豈不佳此願非由己惟應師尹  
焯善養逾甘旨

我聞李琰之閉戶攻墳籍自云非爲名勞此軀七尺聲譽  
且弗圖况爲富貴役良由天性嗜寸陰賤尺璧一朝輟吟  
披形神兩不釋自笑耽書淫還如抱錢癖

昨夢游瑯嬛如入中郎帳心擬作十年祕笈恣探訪睡魔  
不許留歸來心怏悵一笑姑置之能著屐幾兩目前難遍  
窺非想毋乃妄

藥買不龜手乘時取侯封男兒抱末技僥倖或奏功君子  
志其大吐氣如長虹當爲鐵錚錚不享福容容豎子雖成  
名遺笑無英雄

大鵬將圖南垂翼天爲陰鸞鳩笑其側何不巢深林曲高  
和自寡茫茫誰知音吾思范文正毀譽不動心

有客談內篇頃刻明心性授之以入儒冥悟超孔孟豈知  
此念萌萬事起奔競學術期速化名場思躁進君子悲歧  
途世人誇捷徑

昔有航海人迷津抵亶州云見魯孔聖乘桴坐中流七十  
二弟子弦歌聲未休異哉此間樂吾將從之游祇恐如三  
山神風引迴舟

雙門底賣書坊擬白香山樂府

雙門底雙闕峙地本前朝清海樓偃武脩文書肆啟東西  
鱗次分兩行支以高架如墨莊就中賈客據案坐樂哉何  
減南面王豈知若輩但謀利錐刀之末爭較量持籌握算  
障錢籠那有心情閒寓目愛書儂艱購書費擁書架少看

書福况更流傳陋本多寶笈寥寥未堪讀莊叟南華疑與  
篇太平廣記矜祕牘

明人張天錫事見  
郎瑛七脩類稿

偶然得之倍居奇

擬取一縑售一軸致令措大傾空囊典衣典裘價不足宿  
聞江浙多 賜書金題玉躡倅石渠書船搜羅亦浩博欲  
敵張華三十車吾粵繁華甲天下火齊木難堆礫瓦胡爲  
墳策偏輸人毋乃重利輕儒雅我愧敏悟非王充遨遊洛  
市能淹通又慚家世非李泌牙籤三萬豈可必祇應作計  
借荊州涉獵終嫌覽未周國策偶從秦宓假論衡難向蔡  
邕求安得書倉有人築劉昭班苑廣收蓄大供寒士盡歡  
顏此恩直勝萬閒屋十千桃李手自栽春風花放越王臺  
君不見文翁化蜀學校盛魯丕相趙經術開由來此事在  
提倡莫謂天南竟乏才

楚歷書舊遺詩卷十

五

### 讀史

唐虞不可追且莫談揖遜誰與襲其名作俑始魏晉紛紜  
爭效尤廢興會不瞬中惟唐宋朝逆取守以順能開忠厚  
基終享昇平運典午祚雖長兵戈若屠釁或云牛繼馬呂  
嬴宗已紊誰言天網疎施報理堪信臣職固當脩君權須  
自振咄哉燕王噲欲學堯授舜

東漢召董卓卒啟曹瞞篡北魏召爾朱遂兆高歡亂有唐  
南北司交惡若冰炭密徵汴梁兵流毒勝閩宦從來借外  
權鮮不階內難藩鎮猶如此况彼蠻夷悍石晉賂契丹興  
亡如轉盼宋朝兩夾攻終貽子孫患歷歷覆轍車屈指豈

勝按人主當自強道德爲藩捍引虎衛窮山所以嚴顏歎  
項羽鴻門宴失計走沛公早用亞夫玦豈至烏江窮契丹  
頭魚宴女真示優容誤信蕭奉先後亦成養難當斷不知  
斷二君自貽戚我謂殊未然防禍在脩德天祚肆荒淫霸  
王逞殘賊縱無二祖存安保長享國或更有英雄崛起從  
草澤鄧錫圖楚文王衍召石勒徒誇先見明已落最下策  
卓哉楚成王能容晉公子冀土豈無君持論正如此

豫讓報智仇張良報韓恥軻劍漸離筑皆緣忠憤起義舉  
卒無成遺恨書青史偏是鱗設諸魚腹利如此嚴遂實私  
怨功竟歸軹里後來公孫述連刺二將死在唐武元衡在  
蜀費文偉俱以社稷臣命忽喪姦宄冒鼈墮溝中裴度亦  
幸耳施全手刃秦司農笏擊泚胡獨不斃之一令兇魄穢  
由來事成敗論數不論理快哉王著權此事古有幾

周黨隱廣武賊戒不入城姜詩居廣漢賊過爲弛兵赤眉  
掠唐子獨避樊靡卿黃巾過高密羅拜鄭康成因由行誼  
卓劇盜仰高名亦見兩漢時大義人共明寇知敬耆德况  
在彼良氓前朝張李輩屠戮方任情豈暇辨賢哲稍爲息  
暴橫世變不一端卽此繫非輕何年復古俗使我心忤忤  
漢武殺鉤弋緣懲呂后事逮夫拓跋朝相仍作定制自言  
則漢家爲國長久計獨有靈皇后垂簾偶破例竟啟晉陽  
兵魏室隨之替慮患非不深至竟以此敗由來禍難生每  
出防閑外立法况未善彝倫已先壞女主豈無人中有堯

舜在

孔明伊呂才區區比管樂管樂豈其倫處已無乃薄卽此見謹慎大事堪寄託何哉王昭遠狂言不知忤指揮鐵如意妄擬臥龍作亦有宋郭倪帶汁貽笑譁夜郎好自大世固多若儔源休收圖籍火迫學鄴侯翟穎上封事功名莫馬周何異東施醜效彼捧心愁又如左思陋來傲擲果遊陳寔弔張讓稍救黨禍延康海詣劉瑾因保友誼全權門豈輕謁要皆有爲然後人引此例往往巧夤緣所以有心人矯枉又過正寧作鐵太剛毋學瓦全行蔡邕逼凶威亦云黨奸佞放翁記南園譽爲晚節病持論雖則苛借以梳奔競

田單守即墨火牛破燕師邵青襲其術乃被王德嗤孫臏馬陵戰滅竈計出奇虞詡反其策亦使敵眾疑由來應變妙難以成格施瑟莫膠柱鼓車當易轍馳昔宋頌陣圖德用諫非宜趙括父書讀其敗相如知不獨行兵爾凡事皆若斯古法今芻狗名言當三思

周公輔孺子風雷感穹蒼後世倫紀薄食報安得昌楚靈弑邾敖乾谿降之殃陳宣廢臨海天以叔寶償北齊多家覺濟南樂陵王相繼如一軌國祚旋亦亡獨怪宋太宗語逼德昭死負心金匱盟福竟流孫子前明靖難兵凶逆更非理高煦效尤敗燕王獨蒙祉所以人心憤野史有異辭或言幹離不貌類香孩兒或言宣德帝遺自建文妃其說



則似誕其事容有之

曹彬坐樞府薦子才堪將蒙正罷中書薦姪才堪相安石  
舉謝元江淮資保障貫之舉章纁輿論亦云當卓哉諸名  
賢內稱厭羣望親不失祁奚嫌不避李絳要惟秉至公所  
以人共諒卽如前明開揚慎首臚唱其父正秉鈞未聞招  
譴謗後來張懋脩乃有秦熹况事同毀譽殊直道誰言喪  
文山聲伎奢盧杞衣食惡安國嗜利財馮道守儉約國奢  
散貲俸黃裳通餽託數子大忠佞細行何不倫古來如此  
事更僕難具陳子卿娶胡婦姓氏圖麒麟劉琨晉烈士會  
拜賈謐塵程昇叔文黨晚作唐名臣倘令逢肉眼皮相必

失人

宋初西夏橫虎據河南地眞宗咸平閒幼主德明嗣不聽  
曹瑋言乃欲以恩致逃夫諒祚朝母族共專制乘機可唾  
取卻用程琳議一誤復再誤貽禍累數世後來种諤等貪  
功開邊事李憲旣歿師徐禧亦喪利進兵非其時召覺卒  
何濟士無應變才戰撫皆失計

題畫

石壁插空寒猿鶴攀無路何當叩飛仙按宅此中住

藤鼓行

大藤峽口莽伏戎鼙鼓震地聲逢逢軍有一韓心膽破手  
提枹鼓鯨鯢封南人不反天威懼創造神物鎮蠻中巨藤  
屈曲盤石棧利刃快若斬蒿蓬山精木客挺而走疑是鬼

斧兼神工環作鼓形冒以革貌出古異光璽瓏長逾數尺  
闊盈丈織首廣腹能有容廣州梧州各置一更留肇郡旌  
武功有時搏擊響闐鞞悚伏虎豹騰蛟龍聲氣相感理尤  
異此鳴彼應疑雌雄我聞季孫卻齊難紀其勳烈銘林鐘  
又聞伏波征交趾屹立五柱磨青銅由來克敵必示後滕  
鼓之設將毋同想見饒歌唱凱樂銀釵一扣開頑聾此藤  
滋蔓歷千載虧蔽日月搖天風晝沈夜浮攀可渡構崖駕  
壑橫長虹坐令姦宄恃險阻狐兔窟穴鷹鷂叢一朝非種  
鋤立盡勢若破竹如撥麴削株掘根計誠得萌蘖勿斷成  
養癰此鼓便擬京觀築釁以賊血流殷紅前車已覆後車  
鑿鑿猶相戒勿內訌無學刑天自取戮無效貳負臣不忠

無當車轍奮螳臂無警邊障飛狼烽有如不信視此鼓焚  
巢之鳥尤驚弓搗來止戈不用武民夷尸視襄毅公摩挲  
此鼓三歎息欲入歌詠慙雕蟲昌黎不作東坡死石鼓妙  
句誰追蹤

勵志詩

人生識字初輒期三不朽當其矢願時雲夢吞八九無如  
所欲奢績學未深厚畫餅徒虛名無成到白首始知驚廣  
荒不若量才受繫余賦非質德功亦何有立言或庶幾轉  
思仍非苟所貴醞釀深莫恃掩襲取劉峻夜燎麻孫敬日  
編柳牧豕耳聽經囊螢卷在手家貧學尚貪况乃足餬口  
書倉築未逮硯田耕已久飽食無用心中宵顏怵怛目僅

識一丁身未探二酉根抵薄如許文字烏足壽言不關體  
要淺淺日封葑測海乃以蠡窺月如從牖文章覆酒貧著  
作付醬瓿言不思致用陳陳落窠臼無當安寶卮有字象  
盈缶燕麥與兔絲棘猴兼芻狗體用固貴全餘力還記醜  
高祐對鯪鯉束背辨蝌蚪駒牙驗齒齊象膽非腹剖大可  
助文場細亦資談藪片長毋自多千金享敝帚分陰毋自  
荒一刻抵瓊玖妙緒如繭抽舊義莫株守斷機凜慈闈攻  
玉借良友更喜得名師聞望高山斗劉瓛號道經侯芭擬  
載酒馬帳許同昇鷺湖真善誘課業三餘勤晰疑兩端叩  
薰陶倘有成附驥千載後文學儒林傳青史記誰某願之  
竊未能書以銘座右

題春海祭酒蒲瀾賞秋圖

藜瓜仙跡半迷離乘興何妨當習池官事無多原易了宦  
遊如此不嫌疲溫公自序遊山錄坡老重添望海詩小小  
林泉勞物色憐才心苦幾人知

重陽寂寂負秋容風雨高吟句未工名姓已將沈湛輩登  
臨猶得附羊公閒情立雪蒼茫外醉眼看雲變幻中笑語  
溪山能記否他時竹馬效兒童

瓶菊

折得秋花淡有情膽瓶供養伴淵明寄人籬下原非計研  
北花南老此生

楚庭耆舊遺詩後集十四

譚瑩玉生校

南海伍崇曜紫垣緝

徐良琛

字西卿一字夢秋南海人諸生著有舉芙蓉館集

熊笛江云夢秋詩豪縱者不減蘇黃 徐鐵孫

云夢秋詩超心鍊冶吐凡棄近 曾勉士云夢秋

詩以昌谷爲句法其他體或雜出王孟李白而大

要以奇爲宗 譚玉生云夢秋與余望衡對宇世

聯縞紵之誼迭申之以婚姻蘭玉森然一家詞賦

余先君子歿其尊人叢桂丈哭之以詩所謂三世

交情逾管鮑四重姻誼締朱陳者也夢秋獨縱情

楚庭耆舊遺詩卷十五

一

聲伎寄意香奩揚州之夢未醒茂陵之聘已屢家

本不貧頓至四壁蕭然潦倒疎慵人爭欲殺顧能

僻耽佳句併力爲詩坐臥亂書堆中竹笑花嬉時

觀彈毫落紙余嘗贈以句云攜伎謝安仍避俗悼

亡潘岳自閑居天寒酒夢冰初合年少風懷錦不

如庶當之無愧色少歲緣情綺靡愛摹仿玉臺金

樓中年以往則所詣益深一以浣花昌黎爲宗而

參之以長吉東野故瀆江游草獨見重一時洵屬

年來騷壇健者而遽主蓉城良可怖已又云癸未

冬西園詩社第二集題水仙花限蒸韻夢秋擅場

句云天風約鬢愁無語湘水漪裙凍有稜我正合

情擁瑤瑟曲終人遠喚難磨仙風琅琅海天如夢  
固當於塵外賞音洵足壓倒元白然如馮子良大  
令句云朝雲暮雨三生夢素女江娥一例稱北渚  
天高曾降汝西湖祠老合陪僧陳頤雲孝廉句云  
芳魂忽斷月如水春影自空天欲冰又云出浴蓬  
壺裳捲荔試粧瑤島鏡開菱黃石溪明經句云淡  
極有情傾玉佩靜如無語背銀燈月明湘浦風初  
定路入瑤池浪不興我亦黃冠思學道靈根慧業  
恐難勝侯君模孝廉句云感賦洛川春有夢薦馨  
湖廟月初升亦自揣色俚聲搖蘭振玉至余句云  
怕彈綠綺難終曲莫著黃紼更上昇翠羽明璫誰

楚塵耆舊詩集卷十五

二

與贈朝雲暮雨竟無憑則恐墮西崑窠白固宜讓  
諸君子出一頭地耳又第一集題紅梅驛探梅限  
元韻徐鐵孫大令擅場句云無雪月時香亦冷最  
風塵處品逾尊熊笛江廣文句云風塵夢斷無人  
共天地心孤到此存亦見老筆紛披第三集題玉  
山樓春望限豪韻子良大令擅場句云雲霞今古  
浮雙闕花月東西隔一濠吳石華廣文句云五嶺  
由來足桑苧七洲今已靜風濤又云諸老昔曾扶  
大雅瓣香今已屬吾曹石谿明經句云楚相以還  
文物盛春光如許客心勞亦並可存又南園第二  
集題菩提紗限麻韻鐵孫大令擅場云夙生根蒂

舊無遮入手玻璃一片斜已墮綺羅休問劫幸留  
風骨莫爭華浣經功德池中水籠稱莊嚴座上花  
拈向黃梅求妙偈不應還道本非紗則又通體渾  
成如初寫蘭亭恰到好處提鷗擊鷺事本等恆而  
渺不可期回思當日壇坵風流曷勝今昔之感倡  
之者固鳳石孝廉也而墓草之宿久矣爰附識之  
茶村詩話夢秋茂才詩有極自然者如客船疎柳  
外人影亂流中桃花雙槳遠楊柳一旗偏秋聲涼  
帶兩人影瘦依燈雁銜秋色來天末鴉帶殘烟宿  
柳梢青山影瘳重城晚黃葉聲多古寺秋是也有  
極幽峭者如天空古屋小月白寒塘深雲鏡半規

日風旋一庭花沙平舟在地月黑樹疑山風扶一  
水立雨蹴萬山浮踏波素月冷相貼墮地白雲閑  
可招夕陽在山歸鳥亂落葉滿道行人稀天青沙  
白鷗鷺靜秋水寒菱芡香是也有極穠至者如  
山街夕照環城紫花卷春江蘸眼明捲簾浥浥離  
支雨掠鬢絲絲茉莉風春泥柳絮心飄渺夜雨梨  
花夢有無春光酣似杯中酒鬢影濃於岸上花晝  
舫夜明紅袖玉碧波秋淡綠鬢烟玉簫誓重言猶  
在金縷歌殘病更纏是也有極壯濶者如一水帆  
檣通八桂七星巖岫切三霄萬朵芙蓉三面水滿  
胸星斗四圍山川嶽元精傾草野海天秋色豔冠

裳羣材似水傾三峽一柱中天鎮百蠻采筆氣千  
羣象動錦袍人釣六鼈來是也有極悲涼者如明  
月何曾有長滿滄波無力使西流古今名士惟諸  
葛天下英雄獨使君老成頓盡生何恃門戶深期  
事半虛庇人廣廈披胸有結客黃金信手空梁生  
本不因人熱范叔其如到此寒未逢雷煥須藏劍  
莫訝昭文不鼓琴是也皆能生面獨開不屑因循  
寄人籬下

春暮

雛燕酣酣語畫梁踏青歸去懶傾觴闌干九折留春住終  
見飛花過院牆

卸粧詞

延春閣外人初悄博山香暗烟猶裊簾卷瑤階夜月來風  
吹碧樹春星小金盤水滑淨生光欲盥還停笋甲長微鳴  
纏臂雙雙玉徐動薰衣服脈香翩然行傍粧臺立唾壺脂  
盞慵收拾鸞鏡重開月滿輪香絲更動雲猶溼纖手紆徐  
掩不牢寶釵滑溜拈無及鏡裏相看鏡裏憐玉臺人是玉  
京仙對此誰能不相惜綠鬟低映輕衫碧蓮花漏促夢魂  
忙始信溫柔果有鄉爲語來朝花外鳥啼時休近合歡牀

探梅

策杖信所適四郊無一人空山古雲凍斜日流泉春絕世  
君獨立抱寒誰與鄰羅浮鐵橋畔飛夢碧嶙峋

鬪蟋蟀

脫手氣已獐排牙怒相逆聯翻滾地起磊落向空擲挺怪  
一寸軀鬱宛百斛力痛噬過鄰鬪決戰甚縛賊旋磨一身  
轉拄鐵兩脚直膽張往來驟敵勁攻守迫赴纏龍蛇迴擊  
攫鷹隼擊如聞大咤叱隱作小霹靂或始懦終奮或前慢  
後亟反嚙腸拖胸直抓血裂額一推碎晉鄙五體擊項籍  
彼軍勢一蹶絕叫鬚四戟爪僵羽猶振脾折氣莫抑倏然  
兩崩奔中有一辟易勝享盤中餐敗就石上礫勝敗夫何  
常觀者自太息

讀熊笛江乘桴草却寄

赤手搏猛虎凌虛馭奔馬黃河天上源千里作一瀉此才

楚慶豐壽後集上

五

不易觀之子真健者我亦有狂言可以裂萬瓦橫目視宇  
宙誰當拜牀下及讀乘桴草吾卷面欲赭想當施手時萬  
象俱暗啞虎門魚鼈窟大澳妖魑野怪異久莫傳子行乃  
天假夢秋如可往亦足効揮酒

雙山寺行

楓林蕭瑟蒼烟愁白日不曜長如秋北邙萬古稱鬼窟此  
地慘絕殊相侔山門未入已躡足殿塔乍見先垂頭是惟  
雙山之古寺暫代窳窳非首邱中停客匱不知數內列萬  
屋才如舟古魂今魄畫躑躅初來久住成朋儔嗚呼人生  
一至此萬鈞身世仍浮漚死生修短各有命王侯將相烏  
得留奄然赤手去杳冥白草青山同一坏存裏綺羅沒裏



土往昔一轍天何尤胡爲孤寄耽歲月白骨安與黃金謀  
子孫當日侈家世堪輿自信工爬搜千山踏遍辨脈絡一  
穴謂足成公侯營糧虎窟不暇計是始謂孝吁可羞墳塋  
但取水蟻遠富貴忍以骨肉求日探月覓多愈惑華屋漸  
變奪亦休江山自古有興替世事豈得無沈浮不於盛時  
立華表顧感魑魅等眠牛遂令父祖久棄置梁摧壁壓誰  
爲修饑蟻年深穴肌骨飢鼠夜出窺髑髏寺僧索租逼削  
迹便欲拋撇歸渠溝佳城望絕鬼眼冷枯眶血淚交相流  
山昏樹黑動栩栩烟啼雨泣聞啾啾有時背面作人語似  
欲哀訴無所投嗚呼前車之鑒已若此來者有知能悔不  
萬金卜地爾等郭一死便埋吾墓劉悲歌掩面出門去兩

山迴合風颼颼

楚歷著書遺詩卷十五

六

梅花二首

相視忘懷笑不成癡人今欲與花盟江山無雪真遺憾塵  
世如君恐過清荒店月寒孤夢峭斷橋烟暝一枝橫吟肩  
且漫嘲同瘦修到還須待幾生

霜落空山萬木枯疲驢停處日將晡偶依修竹看逾瘦獨  
映寒泉淡欲無隔水忽來三兩點前邨還有幾多株匆匆  
忍凍緣何事應遣樵夫笑我愚

呈譚康侯夫子

往者不可作來者知爲誰茫茫寸心內抱此今古思緬懷  
馮山魚推黎二輩九軌揚鑣時梁陳沒已久大雅盛于斯嗟我

生不早未得相追隨諸老旣云盡猶喜逢吾師吾師扶輪  
手涯浹那得窺仙人碧雲裏身披五銖衣手執芙蓉花縹  
緲天風吹可望不可接姍姍其來遲自顧塵俗相翹首遙  
相希三載不敢謁一日副所期妙論出無上高談洞羣疑  
肌骨洗秋水肝腸豁朝曦有如脫閑馬始敢云驅馳何當  
奏山水願得鍾期知

送譚康侯夫子還陽春

碧江秋老飛蘆花夫容脫落如殘霞西風夜夜觸歸思飄  
然破曉橫仙杳陽春才子金閨客文章擲地鏘金石自是  
瑤京一散仙無端偶向人間謫峻嶒風骨脫塵垢颯爽鬚  
眉動秋碧身衣霞綃冠切雲偶然游戲稱詩人豈知懷刺

楚唐書畫詩後集十五

七

三年客得及垂帷四座春猶恨相逢日殊淺朝來又報征  
帆轉琢磨深誼竟何言風雨離懷復誰遣照眼雲山有餘  
戀送人江水無多遠卽今小別已茫然何況迢迢路八千

夫子時  
將北上

題張穆之畫鷹

蕭瑟虛堂朔風起陰雲流寒日色死森然兀坐生畏心貌  
此猙獰者誰子鐵橋老人筆如鐵平生畫鷹尤險絕槎橫  
一木枯陸離赤龍拔鬚蛇脫皮幸令怒爪有所住不爾定  
脫生綃飛向來馬也推神妙伯時失色韓生叫若教飛走  
各通神破壁行看迹如掃

棄婦詞

鴻雁不孤飛，鴛鴦會雙死。兩草從來本一心，異木猶聞有連理。憶昔與君初結褵，誓言相好無相違。私盟往日釵，猶在轉瞬俄看子。滿枝自謂纏綿過百載，賃春織素長相耐。茂陵初聘意猶深，陽臺再娶心微改。人情厭故古今同，白頭吟罷爲誰容。新衣無復歌白兔，敝笱徒令怨谷風。天邊明月有圓缺，嶺上白雲還起滅。今朝言語便生嫌，昨日笑啼俱可悅。從今棄置勿復陳，毋將此意待新人。願君看取舊時鏡，照見妾心秋。秋水淨，願君留取嫁時衣。長短在君君自知。

寄譚玉生

懷人閒對一燈愁，坐覺輕寒入小樓。落木空山聞靜夜，斷

楚歷著舊詩後集十五

八

鴻疎雨送殘秋，文章自笑如鳧頸。功業那能効虎頭，遙憶百城環座處。憐君吟嘯獨忘憂。

次前韻答玉生

惆悵新詩觸舊愁，空山如夢怕登樓。鶴衰草傷心地蝮，蝶西風灑淚秋。玉生有石洲蛟蝶圖序哭石洲詩皓首恐教成鶴膝，烏絲曾爲寫蠅頭。飄零骨肉應憐我，無地堪埋此日憂。

二月二十日遊西樵

孤帆掛空青，吟夢破山碧。東風巧相絢，綠已透石骨。烟嵐望無窮，草樹不盈尺。及到官山市，先訊方子宅。初無山僧道，惟逐樵人跡。巒頭出地奮，巖腹抱天坼。澗雲屯古寒，匡泉界修白。時聞村犬吠，復覺墟落隔。小逕忽潛通，野老喜。

相逆汲泉煮山茗就樹飲行客十載好奇心今日始一獲  
歸來清不寐慙慙記所適佳游信可懷浪語莫災石

大科峯

吾粵東西樵角立不相讓飛雲與大科尤爲兩山望羅浮  
吾未到到此神已壯七十青芙蓉鬚萼俱內向羣峯奇自  
眩此獨正無傍凜然立虛無顧盼誰與抗人云衆兒孫羅  
繞丈人行我云古帝王端冕朝將相宿雲苦不去吟目詎  
能放林巒互出沒巖谷相演漾渾疑墮海島出沒隨濤浪  
呼誰挽天風一掃呈萬狀

翠巖

玉洞雄以奇翠巖秀而清美人碧雲際娟娟如有情嫚肢

不勝怯見人時復驚我來日初夕水木交相冥石溜瀉寒  
碧山光變深青茅亭出疎竹孤烟漾清冷幽探出厓罅微  
流濺冠纓渾忘此何地已在原途行回首望巖綠窈窕逾  
難名常恐乘天風翩翩還玉京

聚仙臺

臺左右有紫姑巖烏利巖

環環潭月動冉冉山雲歸仙客渺何處古臺橫翠微蓬壺  
近咫尺笙鶴聞依稀長風不可御待君來何遲空餘海天  
碧不見環珮飛我欲呼雪虬飄然載雲旂烏利近可拉紫  
姑安所之莫問生死訣恐令今古疑但攜雙鐵笛直上青  
冥吹

白雲洞

崇崖抱天迴亂石望虛齧中虛深可怖外峭步必蹶四圍  
互環合萬古無日月我來初莫探偶爾得其缺飛橋跨縹  
緲微徑附行折忽驚百丈泉奮然下巉絕天風鼓逾厲怒  
與崖石裂仰聞雷霆爭俯瞰草木折綿綿吐寒氣森森砭  
客骨奇蹤天所祕故孕在山窟坐着衣上雲英英起峯笏

觀音巖

巖腰伏不見巖扉呀然闢齧齧通天心攢攢透山脊我來  
白雲洞仰首幾辟易欲攀良匪易徑去實堪惜引手牽松  
根解屨投石隙及到轉疑懼欲覷不敢逼雲雷伏隱隱靈  
怪來繹繹時於風雨中吐氣作深碧居人疑且怖奉作慈  
雲宅衣帶出飛泉下飲流觴客俯視何蒼蒼百丈供一擲

九龍洞

我從無葉井橫過碧玉巖翠嶺不知里陟降良爲艱土人  
指九龍叢碧高巉巉窈冥闕風雨黯慘攢松杉竅穴動無  
底一墮供其饒有時鱗甲動雲寒石影影欲就一相訕倦  
足誰能攙怪君竄巖壑何由澤人間蕭然伏之而渾如游  
客閒朝隨麋鹿走暮與猿猴還古潭起明月清籟聞空山  
龍眠喚不醒長歌下孱顏

回舟作

三日遊西樵山靈意良厚烟雲極諸幻林谷巧相誘小雨  
冠屨涼初日乾坤剖敢云惜筋力尙覺遺八九磴道盼迴  
紆木石憶堅瘦寺宇壁根出村墟塵外有碧潭汲泉人綠

畦采茶婦娟飛躑躅處處開  
畎冥冥藤蘿暗處處猿  
鶴走今茲別山去行當見山  
否烟波蕩離懷推篷幾回首  
偶檢做篋得石洲字數紙慘  
然有作

滿目凋殘一槍神銀鉤鐵畫  
更誰論三年判絕人天路百  
劫難忘骨月恩握手尚憐頻  
入夢傾箱猶未踐遺言夜涼  
愁煞瀟瀟雨似我餘聲未忍  
吞囑刻遺詩未果

捲地西風夜色寒玉樓人隔  
碧雲端江河一氣分流急旂  
鼓中軍獨領難石洲贈余詩有句云公當旂鼓領中軍畢竟嘔心同李賀幾

時清論到方干傷心懷袖三  
年字重剔殘燈忍淚看  
疎花凍蝶夢蘊蘊一樣收從  
涕淚餘石洲有賦蝶圖詩就可憐常在枕病深猶自臥觀書石洲臥病三月手未輟書口未嘗輟吟咏

楚塵舊遺詩後集五

蛇虺肯把遺篇委蠹魚惟有  
片言長刻骨未知來世更何

如石洲臨歿口誦蘇公與如君世世為兄弟一語

讀梅邨先生詩錄一

板輿歸後事蒼涼簪筆重依  
日月光萬里雲龍追拂水  
一生雞犬感淮王棲遲肯怨  
山中蕨漂泊應思陌上桑從  
古風流盛江左新亭應有淚  
千行

東坡亭

天關巖巖虎豹尊巫咸不復  
知銜冤三年竄惠怒未止七  
字翻然謫儋耳白頭蕭散霜  
風寒扁舟出沒途路難大江  
赴迴波浪惡欲渡不得聊盤  
桓石螺岡頭足風景雪濤烟  
江供嘯咏是知賢者行樂處  
果然草木皆可敬至今七百

數十年居人往復思紹聖爲公築亭山之阿高亭磊落山  
嵯峨白鶴峯頭故跡少妙高臺上秋風多黃樓高會事偶  
爾赤壁載酒游如何雪鴻所到便千古此地豈假神爲阿  
惟公大節留天地絕代文章尙餘事獨伸隻手批龍鱗屢  
折權姦了無畏雖難一日安朝廷却令千秋想風致窮途  
誰爲嗣宗哭荒陬不下長沙淚自將詩句遣餘年一行一  
止無不便當時漂泊此留滯獨無數語貽山川我來弔古  
荒岡下結構蒼茫足悲咤蓬飛萬里偶一停豈意捐犀有  
來者吁嗟乎火維地荒多毒淫頻年流落悲慨深南遷瘴  
海身如寄北望中原涕不任常州客死慘莫道黨籍編名  
光至今翹首峨眉莽無極江山盡作傷心色

呂荔帷招飲珠江

片月中流忽飛起萬象蒼然化秋水我攜雙筴來江濱宛  
如一片瑤臺雲綠楊陰裏覓蘇小青翰舟中逢鄂君逢君  
愛君飲君酒醉膽輪囷插星斗

贈內

碧帳如烟籠玉肌枕邊花墮夢迴時可憐銷瘦今如許宛  
轉懷中半不知

昨宵剛典鷓鴣同月滿樓頭酒滿杯一日何曾肯拋撇未  
應重絮趙陽臺

珠江席中餞別呂文學培粵西秋試

有酒須盡歡有懷不可說安得人間萬丈繩繫此天邊一

輪月月落江頭散如雪照見離人欲愁絕停杯爲我語平  
生少年意氣令人驚束裝獨走長安市曾把丹青獻天  
子五侯七貴盡傾心公子名倡半知已有時潦倒踏雪行  
狐裘離披貂帽傾道逢高軒擁大蓋爛醉橫街要同載衛  
卒輿夫詎敢呵故態狂奴殊不改歸來縱飲珠江濱依然  
意氣凌秋雲紅袖持纈爭乞畫青樓置酒共嬉春我亦江  
湖落拓者填胸塊壘憑誰寫但是相逢不肯醒鷺潭捲起  
杯中瀉滿目飛騰西下舟小別區區何足愁駿馬羣嘶鳳  
城曉蒼鷹孤擊桂林秋送君臨歧意無盡恨不滄江西向  
流

春夜攜姬人

輕雲素懷

過舊遊處

楚庭舊詩後集十五

三

半篙春水半篷花認得垂楊夾港斜無數小樓明月裏闌  
干紅處是兒家

銀燭光中翠袖迴幾人還戀綺羅堆木蘭舟裏雙桃葉一  
路簫聲盪槳來

憶亡妻

朔風壓屋鳴枯坐如槁木言念同衾者經歲擬一哭欲語  
知不成有淚冀能足憶汝年十七垂鬟貌如玉登堂事姑  
嫜晨夕靡不肅宛轉庭闈內少長盡修睦嚴粧遲朝興刺  
繡伴宵讀余生本書癖購買手頻束往往拔釵環娛我以  
盈簾有友踵門別無以資川陸潛聽不待謀又典裘與穀  
而父非陶頓揮灑乃相屬昔年慈母病拊背始安宿彼時



侍牀席晝夜體蜷曲如此一月餘長女方在腹母疾甫初  
起女已墮茵蓐猶言分所應微倖何敢告視吾寡嫂兒不  
啻若己育兒嬪女始嬪嫂服已方服吁嗟汝誠賢一一盡  
堪錄以此借白首孰云某非福獨嗟體素羸日有憂生蹙  
微涼動閨闥掩袂恆瑟縮所居有小樓樓前滿修竹時時  
藥烟起如縷出寒綠蕭條病相倚倏忽鳥過目傷哉僅七  
年遽爾成別鵠孤兒未離乳小女解嬉逐依依向我啼問  
母睡何熟聞之心膽裂氣咽不能續命也復誰九天乎一  
何酷雙雙妙齡侶奪我殊慘毒是誰無仇儂賢者實難卜  
蒼蒼北郭山莽莽雙山麓淒涼孤榭冷荏苒百年速恐驚  
白髮人攬涕復盈掬

九日登白雲絕頂

楚庵舊遺詩卷十五

古

長嘯凌空去罡風晝怒號地盤諸嶺小天縱一峯高令節  
餘年少上名山笑客勞白雲正無盡獨立首頻搔

三大忠祠

北風撼地天柱折寸寸山河日流血丈夫至此無可爲徒  
擁殘兵背俱裂南渡以後誰英雄壯哉惟有三大忠匡山  
雙殉固凜烈燕市三載殊從容大廈崩摧手難著每覽遺  
篇涕交落壯心遼海走波濤浩氣中原峙山嶽我今再拜  
瞻崇祠鬚眉颯爽陰飈吹中天日月晝慘澹神光離合來  
無時倏忽靈旂指何處定向慈元殿中去烏啼夜冷祠門

樹

有憶

落葉初聞第一聲  
離懷蕭索夢難成  
西風南雁秋千里  
殘月啼烏夜五更  
倚劍自歌豪士賦  
隔花休續麗人行  
碧闌干外天如水  
咫尺銀河有浪生

送黃深谷遊西樵

一別西樵四載餘  
山中猿鶴有來書  
憑君爲向山靈道  
潦倒風塵百不如

白雲暮歸

嵌破白雲開竹扉  
老僧送客局翠微  
夕陽在山歸鳥亂  
落葉滿道行人稀  
時聞老鶴數聲起  
每見修竹一尺圍  
匡牀愿愿清不寐  
中夜夢繞烟霞飛

楚慶書畫詩後集五

五

舟中卽事

碧漢拭殘雨  
蒼空捲微雲  
琤然墮片月  
如潑鉛中銀  
薄醉呼小艇  
亂流過前津  
風蒲響謀耳  
江天明照人  
昂昂俯孤影  
翩翩似分身  
遠岸粲白沙  
迴渦轉纖鱗  
恨無邵道士  
彈琴動江瀕  
但有萬斛秋  
青青蘸衣巾

示別子朝

長姬輕雲字

無端握手話匆匆  
吹散鴛鴦一夜風  
此去萍蓬無定所  
豈徒孤負荔支紅

舟泊陳村贈妓阿銀

錄二

懶向珠江賦冶春  
娉娉重見掌中身  
雲英昭諫俱無恙  
一槩飄零可笑人

草閣蕭蕭五月秋一尊無那苦相留  
姚黃魏紫尋常見滿目閒花一笑休

沙富村夜泊

錄二

人定風在樹蟲思露翻草隔岸月生時  
村墟明可數泠泠風葉吟策策肌骨醒  
落月在釣絲寒魚吸人影

李龍眠洗象羅漢摹本

有獸兀立山嵯嶢四足柱植耳扇搖長牙拔齧如弓弣頭  
顛左轉氣象驕巨鼻獨聳一丈饒一舒一卷風蕭蕭有花  
束許清不妖厥葉倒垂花上翹鼻尖直卷花之稍花稍象  
鼻相加交有人赤脚披絳袍右肩袒露左臂韜金繩匝額  
髮垂腰雙足踏花花不撓花臺上承雙足牢花寄象鼻意

楚唐書畫詩集卷五

十六

已超置身更在花中標寶瓶倒瀉傾天瓢瓶中之水來滔  
滔水仍解意迴環澆彼尊者誰慈而豪口颯然笑眉橫刀  
絕世獨立虛飄飄龍眠古筆歸白毫展轉幸籍良工鈔色  
相自爾餘難描

題王醒菴停琴佇月圖

西風吹人月墮地夜色如烟著衣袂一片方庭貯明水藻  
荇交橫遠無際幽人手攜三尺琴欲彈不彈秋滿襟祇應  
此曲和者寡獨引明月爲知音白雲飛盡碧天迴片月如  
波碇人影此時迴薄萬古心指頭匣裏俱堪屏吾聞先生  
著書太湖口胸吞若湖者八九三萬六頃看欲無一十三  
絃復何有獨攜謝眺驚人句仰問青天一搔首我本南溟

焦尾桐識曲平生總未逢  
高樓坐挹湖山月亦擬囊琴問  
蔡邕

野適

出門滿地走落葉  
獨客挈影行斜陽  
天青沙白鷺鷥淨  
秋老水寒菱芙蓉破  
簪掛樹釣父臥小笠側  
日歸人忙當流赤足踞  
磐石浩歌拍手風泱泱

水仙花

限十蒸

微波飄渺步凌兢  
一縷幽香燕寢凝  
瘦倚袖中東海石  
寒偎硯北半池水  
天風約鬢愁無語  
湘水湔裙凍有稜  
我正含情擁瑤瑟  
曲終人遠喚難磨

珠江采蓮詞

楚歷舊遺詩後集五

七

碧波渺渺蘭橈軟  
荷葉荷花及肩短  
輕颺吹處綠鬟低  
一段鬆雲不勝懶  
柳波西去是芙蓉  
翠蓋紅粧望可通  
斜日遲遲一痕淺  
照見單衫紅更紅  
隔江畫舫玻璃紫  
漸覺花中笛聲起  
郎自拗蓮花  
儂自采蓮子  
鴛鴦欲睡花冥冥  
剩得遠山眉際青  
須臾打槳各歸去  
回首月明江上樹

南海伍崇曜紫垣緝

徐良琛

字里見前

伍春嵐都轉招飲延暉樓

人烟如畫接平橋薄暮欣聞折簡招一帶綺樓斜傍水數  
聲烏榜緩乘潮坐環圖史心先醉話到鶯花酒易銷翦燭  
不妨談永夜隔江蓮漏正迢迢

寄春嵐復用前韻

桃花一水隔紅橋雲樹依微近可招望裏人如春月柳夢  
迴心似暮江潮鶯花有約言猶在衣袂餘痕酒未銷何日  
扁舟剡溪去畫樓翹首路非遙

楚庭耆舊詩後集十六

一

書龍川集後

大江以南地如席半壁河山慘無色岳韓宗李去不回誰  
復提刀能殺賊和議成云天悔禍君相恬然爲自得一棺  
朽骨歸有魂萬古戴天復無術誰其健者陳同甫夢寐中  
原恨填臆圍視錢塘慷慨言決之可以沼南國九世仇曾  
振今古兩宮怨在無終極疇爲臣子弗痛心何忍市朝同  
屈膝痛哭爲書萬言策曰臣亮不勝戰慄上言大恥無不  
雪下言中興有可必一封獨奏何堂堂天地神靈盡憑式  
胡爲伏闕再三上或棄或收漫無識至今光焰起行閒龍  
蛇出沒雷雨黑想見掀髯擲筆時其氣固已無女直獨惜

乾坤此何日舉國厭厭起無力廷臣閉目飾太平世儒拱手縛繩墨君父深冤不復知徒爾扼腕爲太息有如此人死牖下天意蒼茫實難測公言耿耿未下臍浩氣千年貫星日

玉生招集同人珠江秋禱

半載吟邊與醉邊飲逢文字倍流連來宵好月剛三五此日清尊拌十千畫舫夜明紅袖玉碧波秋淡綠鬢烟酒酣回首憐身世落拓江湖已卅年

臨流高會記清明簫鼓聲中歲序更無賴且爲風月主有懷重賦麗人行一天秋色歸楊柳四座衣香雜芷蘅紅袖也矜年少客擎杯都向玉溪生

玉生善飲又前集萬壽寺有句云入座深慚最少年

楚庭著舊壽後集十六

二

酒國詩城盡虎龍莫教秋老一尊中言辭白社歡愁雜話到金臺意氣雄

時首江鐵孫心齋將計借北上

握手異時南北隔搖鞭須待管絃終當筵且噶鷺潭月倒掛青天夜不窮

酒飛花簇漫言愁名士傾城一坐收此後縱令三笑遠就中猶幸幾人留青山影瘳重城晚黃葉聲多古寺秋

近玉山梁子春寓萬壽寺

深喜鄭梁皆咫尺不妨同醉水邊樓

鄭棉洲居

九月十五夜卽事

翠袖翩翩兩槩飛遠勞相送忍相違秋江恨不成干折留得輕航緩緩歸

琵琶聲緊漏將殘不覺輕衫擁薄寒二八娥眉三五月生知有幾回看

次夜復題

不惜秋衫點浪花更邀明月按琵琶殷勤夜半勞相送一  
路歌聲直到家

夢游羅浮歌

罡風不可凌飛車孰能駕三山十岳平生心安得驅之尺  
筇下高青蕩蕩橫高秋忽然夜半飛空游山迎水款不知  
夢但見四百三十二峯笏立斧削窮雕鏤左爲羅右爲浮  
當時帝憫窮荒山水未瑰絕特割蓬萊一股擲向天南陬  
根株未連絡澗谷還夷猶有如兩龍驤首各不下得此鐵  
橋一鎖然後萬古相連鉤是時冷月壓橋脊倒映林巒散  
金碧碧然長嘯山四磨搖動中天石樓石雲英英兮雨霏

楚辭舊詩卷十六

三

霏絕壁懸流皆倒飛手執白鸞尾身披紫霓衣度碧峭兮  
經翠微璇臺珠闕掛烟上法曲仙音送清響啞虎不啞銅  
龍嘖呻蝴蝶無數笙鶴續紛穉川洞中客麻姑壇上真聯  
翩出雲還入雲雲車風馬來飄忽拉向峯尖看出日鼻端  
一綫開洪濛百圍赤暈虛無中俄而飛輪躍出火四射海  
天表裏鎔紅銅神光滉漾金芙蓉快意雄觀有如此回首  
羣仙杳烟水覺來依舊是人閒滿席烟霞收不起

洛雲樓觀安期象

山風吹雲雲倒流披雲直到雲中樓是何天人耿玉立日  
月壓頂鬚眉秋平生出沒千戈裏游戲偶然呼策士戰地  
愁紅不敢汚兩袖縫烟帶飛水抱策孤行天地閒只有崩

通相往還中原川岳不中意怪碧獨愛天南山紫蒲初花  
棗新赤一聲鶴唳人無跡至今遺象肅孤清當時悔被重  
瞳識蓬萊山高滄海深飛空行跡誰解尋知君何處鞭鸞  
鳳兀兀層樓古雲凍

月華詩三十韻

片月乘秋起中宵發異光不緣風有暈頓覺鏡生芒雨脚  
看齊卷霜華作意涼一丸初碾玉全璧正垂璫故愛團圓  
好仍憐皎潔常白榆空歷歷碧漢但荒荒天匠俄施巧神  
工忽炫長更於輪廓外渾作玉金相豔吐羣星避輝馳萬  
象忙詎容青女鬪只合素娥粧葱蒨倩烟霞結纈紛綺繡囊  
五雲高擁護七寶共成裝飛蓋平霄下流蘇接地颺織應  
愁帝女修不倩吳剛盡闢銀蟾鏡羣翻白霓裳千層圍紫  
棘百道界紅牆桂老籠陰碧花高札露香半空移錦市十  
色罨銀潢遠訝環銜鳳低疑帶結鸞莫將三珥擬輕把九  
華量燭目驚何自停杯問未遑清虛誰渲染大塊足文章  
壯麗山河影昌明宇宙祥殊觀那易覲變態絕無方妙論  
窮徐穉英詞遁謝莊筆曾鑷兔窟珠盡擲龍堂幾見如今  
夜還應問彼蒼有無歸頃刻出沒總微茫偶似優曇現翻  
同掣電藏唯留鸞樹在終古並扶桑

新建粵秀山學海堂

年來選地傍花宮高闕層霄結構雄駿馬羣空三冀北波  
瀾獨障百川東天教淮海英靈起物望昌黎斗岳同漫擬



飛霞高結佩且探涯浹試長風

芙蓉四繞闢新堂小隊公餘到上方川岳元精傾草野海  
天秋色豔冠裳濤趨八百孤寒侶霧列三千弟子行不是  
尋常吟獻地肯容歌舞占高岡

巾卷充庭劍衛閒風流餘韻足名山羣材似水傾三峽一  
柱中天鎮百蠻文彩自銷偏霸氣德星常照女牛閒卽今  
槃敦朝從事飛湧雲龍起儒頑

桓桓壇坫聳蓬萊水立雲垂萬里開采筆氣干羣象動錦  
袍人釣六鼈來文章海外都成集桃李天南又遍栽自笑  
懷鉛旄節下望洋空傍古朝臺

送熊笛江入都

楚麈書畫詩集十六

五

青山鸞鶴總離羣纔送南州

鐵孫

又送君熊耳兩峯標嶺

海龍身雙劍起風雲浩然鄉國橫鞭去從此人天頃刻分  
一髮中原翹首處無窮烟樹憶論文

漫恨風沙路八千關心尤在束裝前行糧尙自籌三月旨  
蓄先教貯半年敢謂故人知桂玉空勞別夢繞山川多君  
意氣飛揚甚兒女情懷我自憐

總角論交誼不輕更從白社結吟盟酣來斫地詩無敵此  
去摩空賦有聲陶令一官那俯首鄭公三絕久知名

留別

詩有強項令  
首帶盤語

如何故作詹詹語待向蓬山頂上賡

別俄成萬里游雪壓金臺鴻雁夜月寒珠海管絃秋離懷

異日空棖觸欲挽驪駒不可留

荔灣感舊

綠波滉漾開明鏡此中曾照鷺鴻影打槳重過一愴然溪  
山盡作傷心境憶昔江鄉五月天灣頭樹樹鳴蟬千株  
赤玉吹雲爨萬斛蘋珠近日鮮此時殷動珠江水巨艦輕  
舠棹齊舉一片歌聲揀樹人十里衣香弄珠女東船壓酒  
袖成幃西舫捲簾花作雨帆飛纜走豔流霞奪帷一笑露  
千花盛鬢濃粧知妙伎輕紈雅服認良家天水蒼茫日初  
暮漸次笙簫半歸去獨有東方挈細君不比小蠻隨太傅  
權從鷗鷺夢邊移醉向菰蒲涼處住羅敷但恐路人窺那  
識海山仙子妬小榜重簾緩緩移冰丸雪腕兩相宜酒態  
顛狂田水月風韻蕭疎管仲姬長笛慢吹盃淺啜玉纖細  
把宮商掐只道論園買夏來誰知小膽臨流怯水落迴舟  
閣淺沙咫尺翻令道路遐篙響琤琤舟似碇波光眩轉目  
生花遂使嬌慵困無那眉月頻低鬢雲墮支頭不索侍兒  
扶迴身却倚檀郎鞞誰挽銀河教倒流舵工無力櫓枝柔  
難遲魚鱗生淺浪徒看蜩眼散輕漚別買蜻蜓小於葉盡  
掩篷窗輕擊楫萬兀千搖始到家薄惱深攀紅上頰到岸  
肩輿返入橋酒痕汗點透水綃歸看枕簟渾波浪坐覺窗  
櫺亦動搖宛轉迷離足三日從此年年邀不出任爾分甘  
到黑衣肯復凌波試羅襪往事回頭宛眼前金翦銀篋委  
逝川魂銷碧水如前度愁絕紅雲似去年紅雲碧水今長

在景物不殊人事改七年豔福折無餘三尺荒墳猶有待  
忍向珊瑚問故叢記浮重碧擘輕紅水漂萍絮三生盡雲  
斷梨花一夢空昨夢依稀重攜手杏子輕衫傍垂柳笑指  
溪邊十八娘共泛尊中重五酒覺來推枕了無痕屢響釵  
聲隱尙聞魏城自哭蘇和叔漢殿難尋李少君無情最是  
江干月不喜團圓偏喜缺紅紗碎剪合歡襦青羅斷絕同  
心結催人無淚不成珠照我有言皆是血芙蓉零落柳波  
秋已分荒灣不再遊白藕花邊曾擁袂綠楊陰裏舊維舟  
露葉風枝轉無賴鬢絲髻影盡成愁遙遙更惱雲山色一  
線分明黛痕碧山入秋來意態濃人思家去歸心劇果是  
秋山似美人推篷翹首一悲辛側生樹豈如當日半死桐  
應嘆此身翠羽明璫若重見只合輕綃畫洛神

拱北樓銅壺歌

日轉樓角風稜稜訪古直上層樓層樓中刻漏傳自昔厥  
製樸拙形彭亨四壺兀列大於甕銅花暈碧寒森凝最高  
者巨下遞殺一一肩趾差相乘窪然一竅穴當趾如涎小  
水來兢兢導流復以銅作筓甲吐乙茹吟蒼蠅下壺當中  
立一箭箭上厯厯書可憑暗泉中添箭上拔一時輒以一  
字升地支十二列若繪晷度分寸嚴於繩迴環晝夜合符  
節點滴高下相呼磨諦觀款識辨年月模糊字畫猶堪瞻  
曰惟延祐丙辰歲冬十二月吉日仍多官監鑄首宣慰列  
姓字逮頭銜冰製成疊石高位置意與雙闕同峻嶒吾聞

元季闕燬火克復舊觀惟明興是時銅龍避何處母乃變化能飛騰豈其杯水克車火舊志缺畧無從徵此樓此器有深意要令百爾心相承待且無勞絳幘報拱辰似向朱闌凭閣浮又閱幾今昔壺水依舊無虧增但願臣心比壺水萬古不竭流常澄

羅浮子曰亭觀日出歌

天風吹人上巉絕夜半鐵橋踏明月仰覓孤亭不可求一笠雲中半明滅興酣飛屐凌高青眼底早已來滄溟乾坤一氣作深墨扶桑東望何冥冥須臾海動天雞鳴乍覺一線光熒熒魚龍起舞星斗亂海水倒飛天宇傾倏然天半濤頭裂裂出圓輪赤於血四邊沸火火沸山想見重溟作湯熱熊熊作作三文強赤龍天矯須髯張神光赳逼大地悚四百芙蓉俱吐芒此時落神飛揚獨立千仞窮八荒滿目樓臺變金碧全山草木成琳琅誰與結構天中央雲臺日觀無低昂忽驚下界曉鍾動萬象酣然尙如夢

舟次望鼎湖

敲碎一船夢寺鐘清出雲雨花高縹緲空水遠氤氳萬樹碧相抱四山青不分中閒有微徑杖策共殷勤

龍湫歌

石骨稜稜眼中插老蓄元冥凍牙頰溪行始覺青濛濛電轉驚呼水皆立一龍雪色奮鱗甲蜿蜒欲下雷倒挾千回萬折始得飛小龍百十來相隨跳波走沫恣還往掉頭支

角爭遊嬉日車不敢到地馳羲和無力敲玻璃水花四蹴  
古潭怒天教山谷量珠璣此時枯坐毛髮縮厓根草木瘦  
盡秃苦吟我自肝肺清魚爾何愁出山濁

登閣江樓

夕陽墟落乍停撓破曉層樓首重翹一水帆檣通八桂七  
星巖岫切三霄東流峽出江聲壯北去天圍野色遙咫尺  
崧臺聊徙倚魏包遺跡草蕭蕭

七星巖

幻盡天工竒到此力真竭削開一鑑地突出萬尋鐵北斗  
何年墮怪雲忽中裂螳旋地肺深蛇入山骨折中空乃如  
許四面更殊絕絕舟可萬斛藏旂足五丈設諦觀毛髮析始  
覺天日泄古鏤森容睂奇鑱縮吾舌左攢千竅黑右兀一  
臺潔奉作小普陀天衣縹明雪根脈隨步轉腹背俱透穴  
我思北海邊青冥孰排挾人云夏潦漲形狀愈靈譎來徑  
尤可懷星心一痕月

從石室東巖至西巖觀大土石刻像

爇燭游東巖朋童可連臂老龍伏鱗爪想像亦粗類鼓奮  
聲若雷牀懸坦如地西巖態又變匍入不容企手膝相錯  
交肩尻亘軒輕火明毛尙戴水黑誰敢試回旋搖地根偈  
仄緣石鼻翻身蝙蝠若刮目神怪伺忽觀水月容珠瓔交  
玉帔宛然一筆就大有老蓮意旁鑱滿輪月中劃難識字

左肩上一圈圈內刻不枝  
困右膝上又有奎門共五字  
誰從古穴底作此狡獪技想

是仙者流吟餘偶游戲其餘蠢動物著者題一二出險翻  
覺惜戀奇復生悸歸來臥禪關麗我中夜寐

玉屏絕頂放歌

中宵簷溜懸河傾旱方盼雨游思晴淋漓三日亦已足山  
靈爲過流雲聲呼僧掖我登玉屏石皆笏立路綫縈蜿蜒  
折角直跨脊全山不許寸土生我無鄰侯古仙骨飄然乃  
向屏風行中邊戍削頂少平頂上玉筍仍千莖空青滿插  
樹寸寸凍白踏碎雲英英仙風吹袂人踰屨耳邊輾轉義  
輪鳴與酣欲喝飛石起一槎汗漫三霄橫此閒豈必殊瑤  
京眼前玉樓十二城帝觴曾從百神醉野吟欲付羣仙唐  
仰天一嘯山四墮琅琅洞壑鐘笙戲折琪花當珊瑚并  
將姓字鐫瑤瓊

荊楚舊遺詩集去

十

雙源洞

我尋雙源來未識雙源趣俯飲雙源水仰問雙源義駢行  
說瀟湘交流有涇渭大小別分脈太少華同氣胡茲一線  
行却作兩般味體原羅浮合委竟淄澠異兩頭似蛇虵交  
角比龍戲左右陰陽判中邊寒暑具洞口卽太極源頭復  
何地

螺絲旋 去聲

小穴逗天鑪累級鑿山腹宛然一大螺倒豎剝厥肉中閒  
一以望振棹瞪兩目竟同心未安欲上身轉縮初如蟻旋  
磨終學魚上竹陪雖有僧伽挾難仗童僕前方妥雙手後

忽虛兩足弓彎腰領悴錐處身世蹙蜿蜒僅數折艱澀儼  
千曲自哂謝公游幾作昌黎哭快意輕性命吾生竟何欲

水月宮銅佛歌

明季總督熊文燦所鑄

刀兵叢中作法事海嘯陸沈此何世丈六莊嚴古佛身九  
州鑄錯元戎枝蛟龍東西奮牙角澎湖茫茫海氛惡手提  
金虎總三軍身倚鐵龍開萬幕陣雲橫飛礮雲直矢石中  
流漸相逼賊來益衆忽倒崩八臂三頭作金色一時敵勢  
十摧八銅鼓銀簪聲軋軋策勲未暇先報恩合掌支天大  
菩薩何以涓涔答高厚合範金容竭銅藪陰陽交熾天地  
冥豐隆并力飛廉走爐心煜煜粲眉宇山髓融融幻身手  
千尋石佛未許偕十二金人或堪偶諸天比丘各寫照大

楚庵舊詩後集六

十一

士如來皆逼肖維茲摩利尤譎觀一體三身具諸妙兩擎  
日月兩旂劍兩手當中兩弓箭金纓寶珞交滿胸火目珠  
眉轉雙面高坐蓮臺懾魔鬼自然信者投五體不辭數十  
萬金成欲使去來今衆禮又聞肖像列其後蠅附林泉圖  
不朽如公一勝安足云今我重來復何有徧覓熊像不得他年幾  
許沙場戰寶像胡爲不重見况時籌餉最艱難如此奢糜  
豈良算巨者兼尋小數尺果能具大雄心力戎服聽經也  
不妨但愁無計銷鋒鏑

仙掌巖

錄一

一折一變態千盤千動容誰將兩荷葉高捧一芙蓉此地  
真難畫他山不是峯乍聞鐘數點攜手入深松

留別星巖諸勝

朝行山在懷暮宿山入夢惟山實相愛臥起爲我用何以  
酬深情祇有數言貢萬奇皆紀實一語不妄頌我初寓星  
巖次卽訪石崗玉屏與仙掌秀削並天縱雙源未窮探三  
天窺鑿空最後一螺旋獨攬無人共莫漫奮筆舌故意作  
輕重寫山山解笑繪水水能動此事畫者難况復毛錐弄  
形象試模擬心口自維誦慚愧巖中雲百里來相送

鼎湖勝在水星巖奇在石水作蛟龍鬪石是鬼神劈天教  
水石閒展我一片席秀色聳肩宇清光明笠屐合之固雙  
美離亦耐尋覓若必相較量便覺泥形迹不如隨所得歌  
吟永朝夕一處成一詩山靈自相識

楚辭舊詩集十六

三

金花夫人神絃曲

江天漠漠烟柳碧神旂倚風軟無力珮環踏曉波琮琤一  
線神光化春色深春淺夏珠江南鶯啼燕語花酣酣凌晨  
簫鼓沸波浪靈之來兮雲滂潭素霓衣兮紫霞帔躡鳳翎  
兮翳鸞尾滿月容光忽照人座上燭花齊結蕊門外高臺  
挿天起舞袖聯翩霞散綺珠兒珠女各關情江草江花紛  
送喜絳羅帷捲虛冷洽長眉掩月眸攢星綠波雙漿急于  
翦吹徹參差相送迎

菜花

烟雨霏微庾信園疎黃淺碧滿籬根一畦春露濫無際四  
野曉星低有痕香簇蝶蜂旋廢圃水移鷓鴣繞柴門何人



三九盤飧足更喜芳菲壓芷蓀

林以善畫角鷹歌

木葉啼空日如墨六月虛堂颯寒色是誰貌此摩空材絕  
塞風沙捲雙翻林生寫鷹但寫意腕指森獐欲成崇畫出  
高風萬里心驅來大漠二秋氣諦觀畫筆細於髮一一纖  
筋入寒骨何物繚籠敢相繫欲脫生綃向空沒獨立更無  
燕雀羣一瞬便空狐兔窟回首乾坤莽蕭瑟塞雲初黃塞  
草白沙場雪霽玉帳開將軍較獵臨高臺此時臂爾氣橫  
絕弓絃無聲馬蹄熱一擊俄看百鳥空萬馬叢中洒毛血  
猛氣雄姿有如此胡不軒然穿故紙獨隨林子老丹青頭  
白禁廷偕呂紀

楚歷書舊遺詩卷十六

十三

花朝黃蒼厓招同劉三山黃香石曾勉士儀墨農陳

苧村任齋集粵秀寺看木棉分得秀字

東風來何時山骨醉已透不知紅棉放但訝赤螭鬪黃君

夙嗜此詩句巧相鏤

蒼厓有木棉詩十首

佳辰拉吾徒攜壺爲花壽

地選羊城北路繞龍祠右層樓嵌空立古寺截雲構入門  
百喧寂推窗萬景就時于蒼翠交每見紫綺繡奇雲麗濃  
香微雨淡清晝旣陪謝公屐復挹浮邱袖意蕊酣欲飛心  
花怒爭秀望遙暝色來坐久微鐘逗燈火萬家活烟鬪千  
樹皺睂官入社攢人思飲霞宿更擬栽萬株圍住青山岫

時共議添種木棉

羅浮萬壽藤杖歌

古藤在世不計年乃在耀冥之洞赤明之天子闔丑闢爭  
後先上有四百三十千雲礙日之危巒下有九百八十交  
流赴壑之飛泉琪花瑤草不可以數計攀躋步步生雲烟  
不知此藤生長在何許但見銅龍啞虎鎮日相周旋絕磴  
潛身養靈秀山色溪光飲逾透千枝百節相糾纏三代六  
朝若昏晝飛騰隱現如有神老蛟作骨蒼蜃身誰歟奮膽  
截爲杖一寸便費三千春憶昔扶攜古仙客細筋入骨堅  
比石葛陂朽竹總兒孫盤石纒桃非仲伯曷不攜之向空  
擲化作長虬數千百太乙青藜盡失光羲和火鞭黯無色  
卽今歲旱扣獸額一雨翻然澤南國

七夕詠古四首

緱氏山

夜半空山鳳皇叫青山無言白雲笑何人手執紫鸞笙玉  
貌羽衣年正少子喬王子天人流一朝邂逅借浮邱飛形  
遠望碧嵩去撒手不爲青禁留人天一別霞蹤邈知在青  
邱復丹嶽忽傳仙語來世閒共向緱山話疇昨七月七日  
秋氣澄竭來笙鶴何泠泠日長數引風簧細天高一曲雲  
漱清若有人兮望中識是耶非耶莫能卽相看祇隔兩三  
松欲近翻成百千尺縹緲唯餘空外音令威再返那重臨  
若訪元裳縞衣客蓬萊山高滄海深

承華殿

世閒快意何有己身爲帝王期不死禱岳祠川直到鬼封

禪一書真謗史當年王母不肯來恐催蓬萊竭弱水七月  
七日古良夜神光荔鬱西南起從官一一懸空投怪騎紛  
紛若雲委西母天儀萬象表錯月交星滿衣履阿環奔走  
承嘉招依然秀聳天人峙纖纖慵雲垂鬢髮的的疎星點  
眸子十二靈飛五岳形肯授劉生亦奇士獨有金門待詔  
客朱鳥窗中黯相視空誇四十四萬言幾曾玉笈窺祕旨  
眼前上果竊無計南有真靈北天子參橫斗轉一回頭碾  
風輾轆鸞車駛

長生殿

明河欲流晚涼起雙星嫣然笑相視凝碧秋高動管絃華  
清夜永嬌羅綺帳裏海棠睡新足簾外蓮花漏初駛祇知  
乞巧徧人閒何意癡情到天子生生世世義無絕一度一  
年歡有幾若教造物遂深盟翻恐神仙妬連理數聲忽動  
漁陽鼓萬騎齊喧龍武士倉皇豈復計他生婉轉可憐惟  
有死織女黃姑定相惜私語憑肩安足恃生未能長恨已  
長一曲歌成淚如水

蔡經家

崑崙仙者王方平五龍夾車過蔡經良宵恰逢織女渡佳  
日輒召麻姑行麻姑玉立何亭亭長爪散髮天人英爲言  
睽隔五百載雙丸一瞬忙奔霆蓬萊東望橫滄溟一泓弱  
水淺以清揚塵大海本恆事少年見慣何庸情金盃玉盤  
相與傾芳餚靡花酒泣瓊餘杭姥姥亦解事酒盡往沽同

洗醒人閒入曠紛羶腥擲米却可丹砂成胡爲浪作狡獪  
技以此游戲真慙生縱令搔背奚不平神鞭三百殊堪驚  
豈知仙譴亦難得雖罰亦賞誰能評夕陽欲沒明河橫雲  
車風馬嚴有聲紛然笙鶴散空碧雙星睽睽如相逆

乾亨鉛錢歌

元黃血逆坤維裂半壁河山據成鐵鎔山煮海足富強竊  
帝改元矜俊傑坐撫天南六百州一朝泉貝如水流四桂  
重輪漫相倣五銖半兩難爲儔是時繞地烽烟起鐵馬金  
戈徧郊壘祇應有冶爲甲兵但恐無鑪鑄財賄嶺南富庶  
天下傳象犀珠貝彌山淵入海求珍輒千尺空地覓礦窮  
三泉侈心日熾火日然豈爲銅缺遂及鉛制成三銖品有

楚唐書後集六

六

二大者徑寸萬直千環環精書重寶字竊竊特紀乾亨年  
鐵苗草節何輕圓恨不山石俱成鏈風飄水浮較差異糊  
紙裁皮竟何世不聞廢錫蔚州王胡多鑄鐵公孫帝中原  
朱李方戰爭兩河金鐵皆宵鳴玉璽初歸李天下鐵槍一  
折梁社傾夜郎自大蠻夷長碧殿珠渠駭俛仰柱礎雕鏤  
沈水薰椽題瑰詭緣雲上百寶坐擁南溟驕怪底貽厥奢  
前朝糜銀作柱三千錠論寶儲珠四十饒赤蜃收威白龍  
去千載雞鳴闢墟墓侍臣四繞盡金鏡朽骨一堆仍鐵錮  
祇有降王不自由水上田禾逼廣州不知入市錢何濟伏  
地淚如鉛水流

悼亡姬輕雲錄四

廿九年閒一夢回中流簫鼓繡成堆相逢恰會孟蘭日團扇輕衫挽臂來

舞榭淹留半月期便栽桃葉渡江詩鉛華洗盡袞裯側莫比紅兒與雪兒

一賦閒情返敝廬梅清鶴瘦鎮憐渠夜長夢轉維摩榻猶自篝燈喚讀書

兩鬢蕭騷落葉枯六如一偈憶髯蘇入山披髮吾何敢已覺名心淡到無

時諸友勸赴秋闈故云

### 蘿岡洞探梅

布帆瑟縮江寒重柁轉黃灣目先送一簇人家杳靄閒十里五里曉雲凍溪山幾折若螺轉花木連邨是天供居人

楚髮舊遺詩後集六

七

種花如種田花多春暖爲豐年鳥牴無勞踏明月白龍且與耕寒烟此中長住眞奇福海泛玻璃山貯玉老農就樹廬且謁稚子枕花眠正熟前山林缺露荒逕隔水枝疎出茅屋生事如斯殊可憐傭奴販婦亦翩翩人雖赤足野而韻花映綠蓑清更妍阡陌聯聯遠相綴擬作桃源仍不屑春來比戶大豪奢昏曉眠餐盡南雪我時杖策荒江濱花氣與江相吐吞嗅之作酒醉千日春以爲糧飽萬人復有離枝盛相似冬夏奇觀萃於此若教天許並時生火海水山互渟峙犯寒遠刺胥江船香雪萬頃供流連數畝他時肯相假先農應祀老通仙

讀公數卷詩廢我三日睡倦極方就枕夢魘忽成悸腕鬼  
何森俾瞳神凜退避澄心召魂魄靜志肅聽視細按所從  
來固在博聞記雖然破萬卷初不由一字人皆鼠搬薑公  
乃猿通臂人方刻骨難公乃脫口易似此數典才夫豈抄  
書類尤難三數語道盡屈折事生面果獨開死句所必棄  
稗官與雜說縱橫用無忌好奇亦少過唯新實其至豈牛  
鬼蛇神使墨怪筆崇瑣屑不容道透快必如意我自成我  
法亦實饒別趣隨園那並驅藏園或平視傳家滿身膽自  
詔洵不愧

南海伍崇曜紫垣緝

居 鏗

本名樟華字少楠又更名溥字公壽番禺人諸生  
著有梅溪獅林西園杉湖等草 黃石溪云君貌  
黧而癯終日不發一語與之言或不應類常有病  
然者見絲竹每效爲之妻死不哭亦不歸有子年  
可冠矣不爲之娶也寓友人家數月不去僮僕苦  
厭之交不擇人人亦憚與交爲人捉刀往往得多  
金盡付伎家金不盡不止旣困頓歸則叭叭一編  
寢息俱廢爲文善於規仿好用古字變易其詞讀

楚庭耆舊遺詩後集十七

一

者咋舌然軍書草檄啟事答函朗然可誦也詩學  
唐人一變而之宋平生得力大抵於選學爲多

譚玉生云少楠茂才熟精選理所作儷體文字刻  
意摹古沈博絕麗得未曾有性靜默寡交游宜仰  
屋以著書轉依人而彈鋏可類郗超入幕屢同王  
粲登樓生平蹤迹多在粵西故山水諸作亦於柳  
尤近歿後遺著爲居停者一當關僕所燔今所存  
稿其後人零星輯錄者耳然句如菡豆路陰多吠  
蛤木棉枝老半巢鴉良朋近授醫蘭法稚子能知  
接樹方近岸多栽龍目樹傍籬時種露頭花淨几  
供花朝念佛紅爐燒笋夜留賓壁琴弦斷僮知續

酒貧泥香手自封  
寫村居風味亦令人神往又有  
論嶺南人詩絕句自序云自革除以來迄於近代  
臆見所及雌黃形焉若無關於表章則雖美弗及  
其論韓節愍云朶雲詩筆擅雕華風藻南朝尙未  
賒鍊石肝腸金粉色廣平偏解賦梅花論鄜海雪  
云蠻花犴烏捧吟賤海上孤琴竟絕弦湘水白雲  
牛渚月仙才重見李青蓮論陳中洲云集生聯璧  
有喬生要眇芳襟雜杜蘅愁絕昔鹽歌漢月分明  
哀怨是蘭成論羅天尺云昭諫才華照海隅暮年  
聲譽動炎區竹枝詞曲離支賦見說羣稱後石湖  
亦留意鄉邦文獻者所當知也

詠古

蘇秦佩相印冠蓋歸洛陽  
父母出門迎妻嫂不敢望丈夫  
遇知已得志乃龍驤春雷破朽甲  
萬物生輝光當其不遇  
時憔悴實可傷成謀動屢蹶  
智計乃不張入室聞謫聲  
譴呵若不祥一家尙如此何況非妻子

黃坭壠守雨

孤棹客不發寒江霧暗山  
山中一夜雨萬里未能還  
布被新烘溼疎篷鎮日閒  
空聞近墟落賽鼓響前灣

山行

絕壑松風滿攀藤石徑通  
鳥飛千樹外人坐萬山中  
古碓雲春白茆簷葉砌紅  
寂寥誰共話往來有樵翁



南唐

新聲數曲教歌翼  
夜月龜茲大內間  
一自景陽無信息  
更從何處念家山

小陶贈旅主

入門驚識我言是  
曾主之年少不復  
憶相看到幾時

卓文君

舊愛容易淺  
新愛容易深  
終疑君似妾  
苦作白頭吟

梅妃

愁聽霓裳曲  
珍珠感舊恩  
上陽花自放  
誰爲賦長門

紅蓮曲

玉皇昨宴瑤池宮  
錦幢羽蓋搖仙風  
紅雲萬朵結不散  
珊

楚曆書選詩卷十七

三

珊瑚月光熊熊蓉城僊  
靈抱瑤瑟曳玉拖烟來  
侍立天瓢一瀉醉流霞  
酖顏夜黥臙脂溼

閒居雜詩十首 錄二

晚步古原上  
落日橫翠微  
迢迢聞山歌  
溪上牧童歸  
鳴蟲繞澗出  
倦羽依林飛  
鄰叟相盤旋  
佇立話柴扉  
邨路寂如洗  
漸覺行人稀  
言遵南陌還  
草露已沾衣

讀書倦微暇  
端坐懷友生  
嗟我同心人  
遙遙隔江城  
好音昨惠我  
拳拳見深情  
愧此不能報  
搔首看雲行  
薰風動林薄  
黃鳥啾啾鳴  
對茲愈嘆息  
雙淚忽縱橫

偈仄行

偈仄復偈仄  
淺水無活鱗  
纖林無巨翼  
道路孔修處  
處荆

棘手無斧柯搔首太息却曲之卷不可以迴車捉襟之袂  
不可以曳屣吁嗟偃仄空躍躍

蕪萼軒夜坐

高梧流月華滿地碧雲影涼風拂迴檻玉露下金井寥天  
去鴻紛獨樹晚花靜爽琴拂橫庚寸心得微穎心隨飛鴻  
遠夢與孤鶴迴一曲悲秋吟聊用寫煩耿

沙洲曲

金蟲簪橫夢初亂碧落無聲轉秋漢銀櫺雲梳菡萏波真  
珠露泣芙蓉岸鯉魚撇尾西風高繁絃急管聲勞勞酒醒  
洲畔與郎別鷺鷥飛破鷺潭月

懊儂曲爲林山作

楚曆舊遺詩卷十七

四

蓮花紅蓮葉碧蓮花是郎儂是葉花前郎不歸葉底儂愁  
絕

冉冉西樵山迢迢新塘路日日望門前眼穿石隆渡

無情海水搖空綠與郎會作鴛鴦宿今日儂來郎不來隔  
船人唱相思曲

古別離曲

落日蒼茫古渡頭蘆花楓葉夾行舟一聲孤雁沒何處雁  
自南飛水自流

石門舟中

言辭鴉江驛浩浩隨潮去烟消石門墟日上西華樹片帆  
語西風汗漫不得住叩舷共長歌驚起河際鷺

月問

萬古此月色遍照恆河沙對月非古人而月常光華我欲  
問明月舉手招嫦娥天高幾萬里神聽應不訛惟汝繫圓  
靈燭照靡弗到蕃然諸衆生往往苦顛替或回而騰達或  
哲而沈埋傾城多流落壯士常疑乖謂汝爲有情翹首輒  
相訴亦莫余肯援百叩不一語前世謫仙人後日東坡老  
溘然俱塵壤不得長壽考而汝皆見之安能不傷悲顧我  
亦如寄相親能幾時人生無百年過眼不可料今我悲昔  
人來者復余笑汝也於其間悼故復嗟新電光與泡影亦  
復何緣因何不惠我訣令我長不死於焉霄漢間相期永  
無已

月答

楚屢舊集壽筵十七

五

明月聞我說似解人世詞劃然若長笑謂我何氓蚩權輿  
造化間大道極汪濊陰陽有窮變否極理則泰當其變舛  
時天地亦聽命毗陰而愆陽雨暘罔由正何況諸衆生通  
塞偶偏頗乾坤不愛怨古今其如何託體於太空一歲幾  
縮盈哉生與旁死亦以生死名於其既縮後回憶當盈時  
何異倏然化欲往不可持謫仙與坡老等是夢幻身神仙  
有浩劫藐爾塵間人緣盡則消歇電往那容說彼此均無  
權詎用相唐突爾欲求長生長生亦長死不如委元化撒  
手烟霞裏

柳絲曲

一樹門前柳萬縷紛如織翦翦風尙寒絲絲雨還滴雨滴  
復風寒紅衫杏子單衫單不覺冷盡日倚闌干闌干十二  
曲搖漾湖波綠誰折短長枝隔斷鴛鴦宿鴛鴦去悠悠桃  
花滿綠洲烟深元亮宅絮舞仲宣樓樓上花如靄青春日  
初晏不見灞陵橋但見衡陽雁南雁晚無數西烏夜相語  
遙送白門人搖鞭背城去

雞鳴歌

雞角角蹄隆隆銀盤墮地天呼風雞喔喔輪輾輾千門萬  
衙肩相逐肩相逐行人多沈沈曉鼓聲如鼉海日欲上紅  
髮髻

西樓曲

楚辭書屋詩後集十七

六

雲車夜踏華陽水驚起女龍撒珠子一夕西樓滿人耳凸  
凹琉璃薄於紙凍蕊欲搖寒不起手撥死灰然鵲尾香羅  
圓頂重垣似一隻鴛鴦眠被底夢郎歸來跨楫鯉

悵春詞

杜鵑聲裏鷓鴣聲鎮日垂簾太瘦生殘夢酒醒花欲暮柳  
絲烟雨過清明

涼夜齊梁體

微颺花底散輕烟帳外薰畫屏籠素月團扇撲香雲拂拭  
玉階淨依稀金桂芬坐銷壺漏盡知君爲鄂君

燒香曲

鬻鑽金獸凌兢重歷穀風琴戛幽夢轉碧沈沈鎖雲凍雕

櫳晝暖雙么鳳九龍盤帳光蚪繆綾旌反撒珊瑚鉤銅尾  
葳蕤炙蛾絲端默無聲倚紅燭青蓮梵夾合兜羅銀蠶細  
字當窗讀

九日藤縣江上飲酒

去年作重九題詩得月樓今年作重九置酒罈津舟鹵風  
翻波蕩白日人生汨沒隨羣鷗愛此清江千斛水可以洗  
滌萬古之煩愁天高烟空樹明潔眾山霽色橫船頭揚舩  
鼓櫂恣所往蠻娃越女歌且謳如灑之酒喜滿載笑傲可  
以輕王侯殊方萍水旣非偶佳節無事堪拍浮河山如此  
亦不惡何必有蟹無監州去年今日同一醉來者知有斯  
樂否與君洗盞且更酌臥看明月生前洲

舟中女兒行

楚辭舊遺詩卷十七

七

梧江之水清粼粼梧江女兒居水濱女兒生年十五六冶  
態幽姿看不足姊妹雙雙青桂舟等閒花裏不知愁秋花  
勝比春花好出水芙蓉妒嬌小與余邂逅烟渚旁薜荔如  
夢汀蘭香風裳雲珮騁旖旎羅襪輕盈踏波細翩翩體度  
凌風柔欲近不近嬌含羞目成眉語遞衷悖白石青溪畏  
遲暮揚舩共掇芳洲蘋薦玉醴兮羞銀鱗富筵爲我歌一  
曲檀板冰絃轟陸續陸續絲絃歌遏雲清湘木葉愁續紛  
頰魚跳波素禽舞落日冬冬聽船鼓江頭日落風颺波倚  
櫂搦管嘯青蛾嘯青蛾兮不忍別執手相看淚如雪

陽朔縣

客路逢陽朔看山盡日忙亂峯平地矗絕壑倚天長石氣  
涵波白霜林帶日黃從來奇絕境多少在殊鄉

續夢中句

三株兩株淺深柳十里五里長短亭行人馬上一回首故  
國如烟酒不醒

夢中得首二句

九日藥生邀游栖霞遂至月牙龍隱諸巖返酌靜慧  
堂得詩十四首

日日談游山味乃甘於月遙青排佳節對之涎簌簌徐侯  
詩中豪名山貯滿腹邀我出城東籃底載醴醅涿蠅蝻臥浮  
梁魚鱗集鱸舫似聞行路語共羨尋秋躅才與市聲遠雞  
犬便不俗眾山若爲迎千鬟擁新沐

楚歷舊遺詩集七

八

舍與事徒步言至月牙巖頽嵐壓我肩空翠溼我衫我足  
不自由箭雲歷巉巖飛身入瓊窟如窺破蔚藍又如光明  
藏湧現千佛龕衆香悅魂魄宜署金粟銜二萬八千戶何  
年開雕嵌

清氣忽上沁一溪傍巖曲龍文出古夜寒影搖心目其廣  
不容舸其淵應犀燭緣何交叢桂連蜷結淒淒幽馨泠  
翠石齒疑與馥儻能脫羈鞅巖邊結茆屋

一溪復一溪寒湍鬻屐痕夾徑竹請客邀入梅花邨小犬  
隔花吠靜極忽一喧種槿自成籬芴苻縛爲門叢陰礙日  
色落葉幽以繁見我各盱眙始知野人尊咫尺對龍隱雲  
裏蒼虬蟠

神物螫何代半夜走霹靂石堅不能破猛力脫皮脊至今  
亂雲頂波濤尚溯澗其上多摩崖凜對萬古客落落蓉城  
主虬螭掣僊筆好事莆田翁處處留鐵畫魑魅避光怪奇  
警難具繹諸老各僊去名乃壽石魄亦如蜿蜒化破壁存  
爪跡

薛香綠透甲更讀元祐碑三百有九人赫赫名字垂忠邪  
轉眼判顛倒將奚施嬉笑甚怒罵此舉固不疑乃爲諸賢  
傳萬古知英奇大書更深刻眞僊巖與茲風雨不敢蝕鬼  
神爭呵撝惜乎薰齋雜驥尾從臯鳴

迴輿出橋西有客領遙外誰知乃七星離立紛接軫我目  
疲奔命有如楚合尹一峯號普陀彷彿海波近月腹孕危  
構雲坳窈窕虛牝惜之幽深致一覽窮底蘊過門等鄉原山  
烏莫嘲駮所以古潛德無爲美先盡

秋風生古原古墳何疊疊淒烟拱喬木土花蝕殘碑左弔  
來軒公右弔渾融師一忠與一清梁鴻傍要離其旁聳石  
塋宿莽埋萎衰老僧尙能說丁巳殉難兒田橫五百人慷  
慨盡一時雄魂與毅魄不朽長在茲廟食雖不登志乘將  
昭垂作詩慰九原無爲山邱悲

山邱雖勿悲華屋曾同住徐侯隱雙淚示我眉娘處殉玉  
已逾年零落歸草露鉛華幻香土曇雲莽淒樹有生終泡  
影玉容安得駐生幸依才壻文字足表著埋骨况青山定  
返慧業素愧我筆非椽唐突實滋懼藉茲或以傳媿美六

如墓恨不攜之來一讀起長暮

眉娘葯生太史姬也墓在栖霞余爲作傳

木葉塞千仞其上懸孤亭秋雲不到天爭下爲巖峒彷彿  
青城室終古長晦冥振履蹋石響雲端聲錚錚扶節揖衆  
山慙慙拱翠屏身立萬花頂羣靈贈吟馨雖不解吹簫哦  
詩酬酌酹神仙等游戲我已驂鸞行

仙風出迎人引我入幽洞仰首詫天低萬石森欲動一柱  
小於櫨承之無乃重鬼神妙施設竟勝齧足用旁門闢圭  
竇中作冰稜凍未覩壺公壺先入俊臣食冥行凜顛墮衆  
客同一窳數武觀天光奮身出雲縫宇宙忽以別羣峯勢  
遙控失喜一驚呼下界目爭送

出幽更入幽大廈軒忽起誰知三天門竟在萬山底中具

造化爐羣衆呈祕詭或爲出關兕或作躍波鯉爲獅象蹲  
伏爲仙佛跛倚尊首露凸凹網罟辨張弛最後淨瓶枝畫  
者不能擬因思鴻濛初萬彙各榛狂渾沌死椎鑿過巧實  
傷理何如淳悶中刻劃有如此安得逢二華一叩空空旨  
登陟亦已倦返酌淨慧堂辛夷秋不花飽嚼風露香再拜  
懸城相仰讀留題章爪跡半模漫墨彩猶芬芳想見施政  
暇餘事培山光至今山中樹一一皆甘棠風流於古人顏  
范堪翺翔奠公一卮酒名與茲山長

落日催我歸我意猶戀此正如出山泉幽咽勢欲止好山  
不可載迴途覺偏駛折花當秋色秋亦隨我徒暝烟失羣  
岫萬火出波底拉雜搖醉魂蒼茫擁心蕊歸來對孤燈兀



坐細追擬趾離亦解事返我亂峯裏好景懼易忘作詩比  
圖記

秋夜曲和葑生

阜羅濃裏晶球重磨礬欲出雲無縫玉蟲駢首語幽窗  
盡趾離不成夢披衣起坐背燈斜心事忽忽飛驚沙天涯  
海角同此夜欲補有情無女婿

長夏感懷寄示黃叔立

長夏熾熾感索居知君抱影守僧廬行藏頗類同功繭變  
化真慙食字魚佳句定堪呈老佛濁醪差可下奇書獅林  
花木依然否猶記程門把袂初

楚庭舊臺詩卷十七

十一

短翼差池數載仍閉門同擁讀書燈爲雲但願隨東野舊  
甫還來訪少陵灌耳才名真畫餅嘔心文字嘆鏤冰斷徽  
零柱孤危甚欲譜霓裳恐未能

雜書邨居樂事效樂天體 錄四

舊業重芟北郭萊兩間茆屋枕江隈居鄰飛雪楊孚宅門  
對紅棉越尉臺十里松陰烟水活六時山色畫圖開夾溪  
恰有桃千樹恐有漁人得得來

半是山居半水涯就中風物總堪誇素馨千里成香國迦  
算之迦藿香焚書謂算香千塍卽富家近岸多栽龍目樹傍籬時種

露頭花竹籬草具看鄰媪相約明朝去賣茶

黃童白叟語關情數十年來見太平阨稻熟時枷板聚水  
松陰裏櫓枝橫沙邊結網迎潮汐隴畔停鋤課雨晴邨調

吟啞相和答羨他安穩過浮生

環堵蕭然半畝莊北窗高枕傲羲皇  
良朋近授醫蘭法稚子能知接樹方

劉夢得有接樹兩般花句

戶植已且書有紙田收魁芋

席上贈歌者

歷歷訝喉鶯樣圓吹花嚼蘂眼波牽  
尊前一闕多情雨不是吳娘也可憐

月夜有懷黃叔立

明月淡然影露華方滿籬詩心深夜得  
涼意小窗知彼美隔孤館離懷同此時  
因風念形影搖落况紛披

謁三大忠祠

楚庭耆舊壽後集十七

十三

荒庭寥落對瞿曇弔忠魂感不堪馬角窮  
悲餘漠北龍髯遺恨又天南百年風雅騷  
人地一代興亡故老談猶有慈元舊時廟  
杜鵑啼處柳毵毵

秋草

商律潛移大火流萋萋滿目盡清秋  
玉鉤蕭瑟埋香骨銅輦荒涼感舊遊  
碎佩零釵慵檢拾哀蟬落葉總離憂  
年闕草深宮事露冷霜濃匝地愁

吟成楚望暗消魂渺渺平蕪接遠村  
金粉六朝餘夕照琵琶孤塚怨黃昏  
愁聽蚓語兼蛩語半染霜痕帶雨痕  
慚愧多情雙瘦蝶依依猶自覓南園

土花千點露泠泠無限芋眠映繡局  
南浦別魂曾黯淡西

堂吟夢太零星踏青尚記春明路訪古難尋綠護屏小坐  
錦茵還怯冷玉階斜畔逐流螢

灞陵春色半迷離長觸王孫去後思不見活東翻暮雨怕  
聽促織泣疎籬何人畫裏褰腰麗似我愁多帶孔移一自  
空山鷓鴣喚斷腸風景遍天涯

同蘇雪堂冒雨遊西樵上翠巖白雲洞諸名勝

得得尋幽去巖雲鬱不開四山飛雨集一水劈天來笠屐  
林僧怪茶瓜野老陪歸舟餘興在相勞把深杯

雨中戲作長句示雪堂

幾日栽花苦無雨杲杲秋陽炙礎土今朝熱極雨忽來亂  
打芭蕉如羯鼓跳珠撒瓦止復鳴紙窗踏涼涼吹生恍然  
坐我小舟下短夢落枕聞灘聲雪堂愛花愛入髓得雨栽  
花爲花喜繞廊拍手呼園丁檢點鶴頭與鴉嘴夫容桃李  
松柳桐一羅列堵西東紛紅駭綠各有態得不喚我爲  
天公因君轉憶我茆屋我屋庭前草深綠雖無奇石與佳  
卉亦有老梅和瘦竹此時竹老應槎枒此時梅老還作花  
年年與彼結幽伴一夢忽墮天之涯我來想亦苦岑寂昨  
日主人今日客與君共惜雨中花留作他年好相憶

郡齋春興

草深蛙閣閣林密鵲啞啞曉雨洗山翠晚風開野花詩心  
綠物態鬢影閤年華佳日莫輕過吾生良有涯

用歐陽永叔寄子美聖俞韻贈儀墨農孝廉卽倣其

體

北風刮地來寒月屋隅掛燈下懷儀君落落殊俊邁旁礪  
三古胸有遠靡不屆腳跟所游歷屈指萬里外發爲古詩  
歌快讀輒破睡當其得意處動與作者會平生朋輩中子  
也畏兼愛連年走京華聲譽重冠蓋淋漓湯酣嬉笑傲雜  
欬噫長堤束洪河一泄千里需雖遭康了辱勇氣不少殺  
磨礪出光晶麤礫轉沙汰近作益高潔清炯照寒瀨今年  
貢賢書典試得老輩道實氣愈虛心小眼獨大端巖貌古  
裝嫗婉屏妖態淫蕪力爬梳正味薦咀嚼沈淵索珊貝一  
網君喜在五策徧抄誦凡目徒驚駭行將貢明堂器利不  
憂賣好揚雅頌音永作 太平瑞樵予實踏蹬弱羽屢遭

楚庭耆舊遺詩後集十七

古

鍛矯首望青冥噤喙不敢噦行行泥淖中郭索似瘦蟹

楚庭耆舊遺詩後集十七

譚瑩玉生校

楚庭者舊遺詩

後集十八

南海伍崇曜紫垣緝

徐良瑛

字小陵一字石洲南海人夢秋弟著有石洲詩草  
譚玉生云石洲夙負才名工制藝尤喜爲詩年  
十九遽夭其兄夢秋檢其遺篋得畫蝶一幀背作  
墨梅數枝初不以能畫聞也裝潢成冊遍徵諸名  
士題詠家康侯農部丈最工云君家天上石麒麟  
又向人間度劫塵晝短夜長俱夢夢尙餘花草見  
精神又云紙背離離墨未乾斑衣零落忍重看臨  
風如見梅花骨夢裏分明透影寒又云滿地黃花  
蝶也愁哀蟬聲斷月當樓池塘春草驚前夢苦憶  
西園落葉秋幼聘余于三姊未娶而歿後兩載姊  
聞之奔往守節事姑以孝聞同人議援 例請旌  
而姊不願也余年十七時曾序其畫蝶圖有云阿  
兄憶弟披圖深棣萼之情將姪作兒讀畫祝萱花  
之壽又嘗序其遺詩有云清而不佻麗而不靡見  
者或疑爲阿好之言然今循覽再三如談多稼穡  
知君意語及蒼生愧我閑殆不類少年人語

秋夜

水涼天碧夜迢迢十二樓臺鎖寂寥何處離人遣愁思月  
明風裏一聲簫

戍婦詞

兒家樓上月應已到遼陽可有征人夢隨風返故鄉自憐  
頻搗素君可憶流黃都把離時淚今宵續萬行

秋夜吟

西風蕭瑟秋河明清絕滿空流水聲孤檠凍火樓如螢片  
帆飛出羅幃青花吹風碎羅綺凌空亂舞紅蜻蜒高樓  
思婦怨未已冷徹衾裯抱秋水起來獨坐張素琴琴有七  
絃無二心如何一彈復三歎不知窗外明星爛風露漫天  
溼雁翎展讀傳書露華散

讀詩

詩法如兵法無過號令明苟爲萬人敵足使一軍驚險隘  
眞宜奪偏師易得名果然無定律倏忽變旌旌

芙蓉

雁齒紅橋傍水隈秋空寥靜見樓臺芙蓉悄倚江天暮不  
見佳人盪漿來

題邯鄲夢傳奇

水遠山長事遠征車輪馬足苦飄零行人百萬邯鄲道不  
是盧生未易醒

南海伍崇曜紫垣緝

潘定桂

字子駿一字駿坡番禺人諸生鈞石子著有三十  
六村草堂詩鈔 陳仲卿云駿坡詩源出李蘇而  
泛濫於誠齋風發颺舉凌厲一世 譚玉生云駿  
坡尊人鈞石以豔體詩得名駿坡有句云無恨安  
能作明月有情終恐隔銀河亦可味

茶村詩話駿坡家世饒益幼負異才年三十竟卒  
藝林多惋惜之然句如文能絕代關時命交到中  
年半死生懸知諸葛爲名士爭說林宗是黨人才  
華太露終爲累憂患無端祇自傷杜陵漫作吞聲  
哭彭澤能爲委運吟重陽已廢茱萸酒寒露須裁  
吉貝衫所謂憂能傷人此子不得復永年者也固  
知少年人作衰颯語終非吉兆

擬古十二首

錄二

文章寫性情熟極純自然胡爾炫巧人片語爭磨鏹小智  
逞奇技雕琢傷其天刻求言語工真意反不全何如本天  
成樸素仍渾堅凝神在即離得魚目忘筌

鴻鵠志千里鷓鴣巢一枝神龍作雲雨游魚樂園池物性  
各不同品類恆參差豈不結遐想所處分高卑苟無凌霜  
毛何能摩天飛高舉固可欽卑處亦可悲

晚過遲圃

涼夜萬緣空適意自孤往天霽雨初晴衣篝颯清爽流螢  
颭水飛隨風入書幌池魚啖荷影波翻水紋蕩鏗然琴聲  
清散入松濤響靜聽寂無言前溪月初上

夢遊羅浮歌

余生平每欲遊羅浮適以事阻不能如願庚寅夏道士陳  
圓柏自冲虛觀寄示二羅山人所輯羅浮洞倡和詩二卷  
並囑余繫以詩余既不知羅浮惡知羅漢洞妄欲擬之直  
癡人說夢耳雖然羅浮之境未易到而羅浮之詩不可無  
以意造境以境造夢詩人不免焉今春偶暇檢前人舊志  
所可考而知者仿太白體作夢遊羅浮詩一章他日見圓

楚麈著舊選詩後集十九

二

柏便當寄贈二羅也其辭曰

若有人兮居遐陬有所思兮羅與浮蓬萊左股不可以飛  
度側身東望生煩憂侵晨有客示我詩一卷卷中奇境歷  
歷開雙眸星離雨散可望不可卽毋乃葛洪笑我非仙儔  
吾聞羅山浮山之巔跨雲棟雲下垂兮石高聳寤寐所積  
精誠通一夜思之作奇夢夢與雙蝴蝶飛上白玉京翩翩  
乘長風栩栩天上迎鐵橋半空駕石柱千丈平丹扃豁然  
開仙禽鏗然鳴東行至日觀西行至朱明四百卅峯夜月  
色五百餘里松風聲崖深洞僻路愈暝雲山盪漾成奇影  
風來山動雲氣浮雲行似以山爲舟風恬雲斂山色改山  
靜轉疑雲作海一聲霹靂曉日紅現出金支貝闕琉璃宮



飛泉倒挂百尺白玉練峻嶺削出萬朵青芙蓉上有嫵媚  
的礫之玉樹下有參天拔地之虬松琪花異草不知數峯  
迴路轉日復莫惟青童而至前乃導余以先路仙之來兮  
雲中君振綺袂兮香氤氳神駟馭兮忽忽雷霆奔兮訇訇  
海風吹兮獵獵花雨落兮紛紛鶴冲霄兮警露龍藏淵兮  
吐雲中見飛猿坐枯木而啼月兮聲悽惻以愁人迷離恍  
惚兮各異狀象王鹿女兮紛成羣修振衣以長嘯乃下瞻  
而上聞遂推枕以覺寤尙惺魄而驚魂吁嗟乎平生有志  
遊五岳胡爲半畝之宮守巖壑夢中忽得覩真境我與此  
中如有約何時高舉扶仙筇山靈一笑追前蹤等初平兮  
師抱朴用東坡羅浮詩意騎啞虎兮驅銅龍余將約此山以長住

楚歷著書詩集卷十九

今開萬古之心胸證昔夢與今夢兮訪落月於師雄二羅  
山人與余有真契兮余當擔登負笈而相從煩君先我灑  
掃羅漢洞兮行將問道於談心之石上參元於合掌之巖  
中談心石合掌巖在羅漢洞中皆二羅山人所闢白鶴兮歸來爲我致語南山翁

同人繪白秋海棠圖成七次韻

玉甌檀筆繪精神留得芳園八月春秋海棠一名八月春半面傳情  
文待詔文待詔有半面海棠圖雙鉤摹本管夫人前身幻相原非色  
寒地生才亦有因悟得化工無著相月明何地覓聲塵

丙申三月仲卿師招同陳雪漁學博譚硬香尚鉅明

經表兄思誠僧正泉成果集長壽寺後池修禪卽

送雪漁還清遠學署

春風欲闌花滿枝嬌燕銜花香霧靨新晴到寺春意足梧

桐葉大楊梅肥薰被何必日上已是日快意卽事堪春爐

當年禱飲風雅作繪事尙說山人熙嘉慶二十年南城會賓谷先生禱飲於此

同會者十有一人南城一序冠其首諸子競美能文辭蒼

雄清逸各異態山僧亦頗工吟詩卷末有寺僧題詩招提選勝足

賓主畫好佛力能扶持烏旋兔走忽廿載畫圖無恙人事

非昔人於今半黃土今人視昔成故知今昔中間兩回首

未免俛仰增歎歛後游恍忽記陳迹如夢乍覺猶迷離矧

茲同咏三子東西落落晨星移就中離合幾風雨斷魂

零夢天之涯卽如此合數誰健尊前現在惟吾師師言繼

此又復作平山三過坡仙詞陽春召我以烟景大塊於人

楚歷書畫詩後序九

原不私祇今明媚風日佳鳧雁拍拍鳴東池石骨空青繡

苔色柳梢搖綠生烟霏烟痕貼水水愈碧水光石色森成

圍臨流人影動柔翠春衫拂石含風漪道旁紅紫復絢爛

烟綿之草花芬菲花枝入簾酒瀉瓶花殘酒熟香浮卮寺多

玫瑰花僧餉客以玫瑰酒君家阿咸善指爪瑤琴三弄風生衣仲卿師猶子思

誠皆善局外賈胡似識曲是日有夷人聽琴異類相忘去聲純天機

愁攪擾芬如絲幾日新人舊人感余始識梗香於席上兩意傷別傷

春悲寸心已逐客舟發大江裊裊風中旗亦知去住本無

著但恐去後音塵希酒闌人散一揮手靜脈春峯銜夕暉

隔江望遠珠海闊上有碧雲行若飛歸來觸目復何有落

隔江望遠珠海闊上有碧雲行若飛歸來觸目復何有落

隔江望遠珠海闊上有碧雲行若飛歸來觸目復何有落

花流水空相思經旬得句付雙鯉綠波千折情因依豫想  
閒臧動高興微吟檐雨春燈時更撫前游試彈粉七人可  
作歌於斯是會七人雪漁作畫芳尊好續櫻筍會良覲勿使山川違  
他時落月屋梁夢月下故人來扣扉入門執手相視笑夢  
中識路君能歸

晚步村莊

風細身輕白袷涼自扶藤杖立蒼茫嫣紅夾路點秋色  
便碧黏天搖夕陽歲熟低田宜雁鶩晚歸平楚下牛羊環村  
十畝收成子農事于今得小康

孤兒歎

道旁有孤兒齒僅數齡露體娟面負牆而哭奴輩憐之與  
以青蚨余聞其事召而詢之僕說飢寒不知家事察其形  
狀蓋偶出而迷路者也余衣之綿衣給以斗粟僕有識其  
處者命導之去去後爲賦是詩

冷雨滴空階北風捲茅屋何來啼苦聲開軒訊吾僕云有  
一孤兒失路困蜷局嗷嗷口待哺呱呱淚盈掬赤腳遮敝  
襖溼衣貼寒月誰分一杯羹勝與十斛粟余聞呼至前蹙  
蹙走瑟縮驚看貌顛頓頓覺頰頻蹙鳩形聳一肩龜手皴  
兩目嚴霜裂肌膚血痕斷還續孤兒爾何罪頰髮尙未覆  
吁嗟造化心處汝何太酷詰以所由來欲語淚簌簌自言  
早出門隨爺看黃犢阿嬈挈我歸路過小橋曲霎地寒風  
翻塵沙捲昏軸回頭失阿嬈歸路誤林麓何來路上兒見

我相迫辱解我身上衣脫我脚下鐺呼爺爺不聞哭嬰嬰  
不復昨日對門家餉我半盂粥從此直到今滴水未入腹  
兩夜無家歸側身古墳宿通夕狐鬼嘯縱睡不能熟兒言  
第如此再問述重複進謁鄉里居搖首但根觸姓名不解  
道矧在遠親屬父母僅能辨安識諸伯叔天真正爛漫哀  
此小熒獨憶汝初生時珍惜比金玉阿爺日抱持阿嬰日  
翰育但願早長成庶免勞顧復何意齟齬中遭此苦慘黷  
得毋前生事報應於汝速吾儒但據理不必談禍福呼僕  
導汝歸復汝舊邦族衣汝白氎裘佩汝黃綿襖給汝錢半  
緡分汝布一東汝歸閉戶坐勿更戲微逐一誤已莫追再  
誤不可贖汝父零丁帖手寫定盈幅兩日不見汝生死未

敢卜汝母晨夕間淚點漬衣服歸勿語前事汝母哭已足  
猶恐見汝貌不免失聲哭

題杜陵入蜀後詩三首

永安宮殿泣銅駝短褐麻鞋棧道過每憶朝廷流涕淚遙  
隣弟妹困干戈天寒澤國龍蛇動秋盡江湖雁鶩多惆悵  
諸侯老賓客月明祠畔弔湘娥

溪水東流繞宅邊高譌猶憶舊樊川夔州飄泊詩三百蜀  
道艱難住八年日落風高悲白帝猿啼虎嘯上青天滄江  
一臥驚遲莫梁父吟成意惘然

鼓角聲中入峽來幾曾笑口對花開天驕未拔愁諸將蒼  
舊猶存賦八哀太息頻煩丞相業最憐蕭瑟庾郎才平生

忠愛肝腸在日望京華定九回

讀楊誠齋詩集九首

精靈別闢一山川百尺蠶叢直到天宦境較於坡老穩詩

名合與放翁傳盧前未必人無目四傑其次爲楊炯南宋四子尤楊范陸先生恰

居其身後方知筆有權聞道醉鄉邊地闊也稱臣是酒中

仙

一官一集記分題兩度朝天卷自攜老眼時時望河北夢

魂夜夜繞江西連篇爾雅珍禽疏三月長安杜宇啼試讀

渡河諸健句何曾一飯忘金隄

白傅千篇却素琴淵明五斗卻華簪從來天肯窮吾黨祇

有月能知苦心先生詩祇有三更月知予萬苦心玉戚朱干爲大武黃梓

楚唐書畫遺詩後集十九

七

土鼓出元音朝來鑄鐵愁難像百寶灘前揀碎金

七步吟成賜幾迴滴殘心血亦堪哀每於人巧俱窮處直

把天工掇拾來餐到韭泔驚異味陶成瓦礫亦詩材平生

不作南園記但吸西江酒一杯

丹心猶見訓兒辭綺語全刪寄內詩忠愛性情韓愈近狂

佯心事季真知但剽蛟螭翻鯨海二句公贈言羨夔龍集鳳池

放翁詩然公平日高風大節於此畧見故竄用之諫草削成歸去好晚風吹落老

梅枝公最愛梅集中探梅詩最多

絲鳳翩翻下五羊越王臺上調鏗鏘翦將榕樹新詩句榕樹

梢頭訪古臺先生詩句收入梅花古錦囊四子當時齊日月六丁取

後祇糟糠嶺南例續詞人祀擬作叢祠配仲翔

高臥東山東復東少陵生在亦衰翁堪嗟弱鬢無人問但有狂名送老窮舌底蓮花飛玉屑牙棧菜味享家風獨憐奪邑干巖叟沒齒無言冒讓功嚮始稱尤蕭范陸自先生出乃改稱尤楊范陸云明知窮極始工詩不惜千言倚馬爲但愛縱橫穿月窟絕無依傍寄人籬憐公大節貧如此顧我連宵夢見之拜罷寒驢腸欲絕白頭歸老尙朝飢

天將奇氣借詩人衣蓋千秋孰替身公子荷衣清絕俗天

孫雲錦巧翻新西湖風月無疆界東閣雲烟有鬼神辛苦

山民收拾去誠齋千古一功臣

先生詩久零落自吳江徐山民重刻始見全集事詳

本集詩序

春夜錄一

楚歷舊詩後集九

八

殘春天氣似秋涼新筍抽梢綠過牆客去庭空人盡後白蟬花上月如霜

楚庭耆舊遺詩後集十九

譚瑩玉生校

南海伍崇曜紫垣緝

伍秉鏞

字序之一字東坪南海人貢生官湖南岳常澧道  
著有淵雲墨妙山房詩鈔 羅蘿村云東坪觀察  
詩從容樂易蓋由資稟既厚而又澤以詩書故其  
陶寫性情率皆敦厚溫柔而無憤悶激昂之概  
譚玉生云東坪觀察詩如瓊杯玉笋爛然可珍又  
如素練輕縑實濟時用喜趙平垣北歸云何期今  
日酒得與故人談朱仙鎮道中云古屋炊烟起春  
盤野笋燒除夕云事云除舊好文以送窮尊過洞

楚庭耆舊詩後集二十

一

庭湖云天涵虛碧渾無著水到空濛定不停偕諸  
友鷺潭泛春云鷺花過眼詩人老風雨論心我輩  
真登岳陽樓云拍岸濤聲來遠近繞欄山色變陰  
晴辛巳立秋云舊日酒徒皆曠達老懷畫本愛疎  
清皆後山後村得意語至友人得古劍五律一首  
則又淋漓悲壯吾粵鄉先輩中唯陳獨漉有此魄  
力

茶村詩話東坪先伯宦情本淡歸田後日以詩畫  
自娛猶獲交馮魚山黎簡民諸子故所作具有根  
柢此外若芷灣觀察澧浦庶常雨亭常博鳳石墨  
池兩孝廉等時相揚扆歛竹吟花惜未補作西園

雅集圖以識不朽乙酉春常與先兄文川茂才校刊其遺集茲謹錄其尤服膺者與從兄霖川上舍所作并附楚庭耆舊遺詩卷末焉庶幾老成典型流風不沫

登岳陽樓

衡峯開豁楚天清萬里江流一覽平拍岸濤聲來遠近繞欄山色變陰晴仙人偶寄浮沈跡過客應無寵辱驚南望梅關何處是悵然難禁故園情

何來雲影與湖光收入詩懷覺渺茫迴雁峯高人自遠歸鴻樓好路偏長忘機未狎沙鷗趣俯瞰應聞岸芷香靜影一泓神倍溯漁歌遙聽起斜陽

楚唐書舊遺詩後集下

二

朱仙鎮道中作四首

錄一

假寐仍無寐宵征又起來繁星看尙徹亂柝擊相催自覺遊蹤倦寧教壯志灰勉茲行路苦溫飽是凡材

樊城解纜作

數盡郵程路屈盤湘江放棹去漫漫行人莫妒風帆利少補關山歷鹿難

偕顏雨亭鍾鳳石珠江泛月

人生尋樂須良圖遨遊有友與不孤茫然萬頃照空碧激盪恍若招吾徒旋渦激箭向西注兩槩輕盈順流泝此時人月迴雙清放覽波瀾勢盡平笙歌繚繞旁船過何必權

呼問姓名



偕諸友鵝潭泛春

半是留春半餞春，短篷輕櫂問芳津。  
鶯花過眼詩人老，風雨論心我輩真。  
浩蕩好隨烟水闊，  
怱忙誰了利名因。  
深杯引滿休辭醉，  
電抹流光有劫塵。

友人得古劍詩以壯之

無限飄零感天涯，  
賸此身關河陰雨夜。  
恩怨爾何人破涕，  
唯知己高歌倍有神。  
長天時徙倚，  
珍重越風塵。

偶感

一聲鐘已到寒齋，  
渺渺愁予感素懷。  
人定也知身是幻，  
和光真覺俗難諧。  
紛乘鞅網伊胡底，  
觸處藩籬厲有階。  
撫景好安隨所遇，  
禪關明月掛松釵。

楚歷善書遺詩卷二十一

三

二月蔡芸圃招遊玉山

花信侵尋月近三，  
雅遊人集盡東南。  
年來心迹春如夢，  
我輩情懷酒易酣。  
古堞斜連山簇簇，  
木棉紅雜柳參參。  
振衣何限登臨興，  
祇是哀慵太不堪。

雨中送春

倚遍闌干酒一澆，  
閒情都付與春潮。  
桃花落盡唯潭水，  
柳絮黏時又板橋。  
回首蹉跎虛永晝，  
懷人容易過良宵。  
何堪霧重烟昏候，  
翦翦餘寒到綺寮。

讀錢籀石侍郎宜亭新柳詩有感

烟景分明記昔年，  
關心人語最纏綿。  
浮生若夢空無著，  
過去如雲境易遷。  
愁絕畏經花落處，  
恨長多在雨餘天。  
湖山

幾度頻瞻眺，淺碧絲絲未穩眠。

### 遊海幢寺

水影翻空紺宇鮮，蒙茸嘉樹帶蒼烟。千秋往事僧輩出，

寺東偏原滿地綠陰人晝眠。慈渡伊誰登彼岸，門對珠江平南

餘烈耿蠻天。比鄰鐘鼓催昏曉，我已忘家近十年。

### 辛巳立秋得長律四首

小有西風到野亭，丹黃將換一林青。懷人天末初無路入，

書巒頭漸豁形。澤國由來農卜雨，銀河又見火流星。喬桐

葉好休飄墮，斷角殘砧最怕聽。

深宵坐雨俗緣刪，暑退涼歸只此關。未壯風雲千里色，空

餘霜雪滿頭斑。侵尋誰恨驚鴻渺，等是高標讓鶴閒。容與

### 楚慶舊詩後集下

### 四

書堂清曠甚，半棚紅豆竹籬閒。

萬松地僻漬莓苔，兀坐晴窗幾扇開。肝膽照人清似水，鐘

魚破夢淨無埃。萬松山館與海幢寺比鄰枯荷颭影池三畝，脩竹畱陰

月一臺。驪首京華八千里，阿咸應自薊門來。

隱約輕陰入望平，高樓遙聽笛聲聲。江閒蘭茝遺芳澤，灣

外芙蓉妒豔名。舊日酒徒皆曠達，時趙筇如黎芥舟鍾鳳石三孝廉家青田大令

同寓南老懷畫本愛疎清。子近筆墨吟邊誰爲攄幽悱，穩

護黃花待適情。

### 癸未五月二十日半塘賞荔得句

閒遊無酒亦無詩，深樹藏舟得自宜。欹枕篷窗清夢破，滿

天涼雨正來時。

松杉高下夾長堤傍水人家東復西潮信幾聲雞唱午似  
催遊客到前谿

佳辰不覺過重五勝事何妨又再三舉目只知空闊好晴  
雲飛盡白鵝潭

癸未秋小築萬松園卽景作

家傍青山樹幾重參差垣宇綠陰濃海天到夏多風雨寺  
院長年送鼓鐘疎處闌干須補竹閒來漁釣不扶筇幽棲  
頗得衡門樂更喜書聲徹夜逢

楚庭耆舊遺詩

後集二十一

南海伍崇曜紫垣緝

伍宗澤

字振緒一字霖川南海人監生著有隨筆錄 張

雲巢云霖川詩篇什不多獨能卽事會心甄俗從

雅例之 國朝樵李周青士江都郭元鈺其人其

詩殆不多讓 譚玉生云霖川伍君爲余礪山八

兄婦翁早卒故余未及奉謁亦未耳其詩名紫垣

孝廉刻其遺稿屬爲評定集中顧多佳語五言如

一簾花影碎兩地月光寒慷慨看長劍淒涼對短

檠才原關世用名豈藉鄉譽七言如閉戶春深花

楚庭耆舊詩後集二十一

一

繞屋倚欄夜悄月當樓前程未卽完歸計往事何

當憶去時枇杷花裏人何在楊柳梢頭月又沈相

看聚散等常事自笑行藏未定身相憶暮雲春樹

外獨吟流水落花前浮名已屬三生夢暢飲何妨

十日期身如散木生何用心似寒灰死復然隨人

俯仰真無謂與我周旋最有憑未應潘岳風流減

其奈虞翻骨相屯關山幾度傷離別鄉國頻年喪

老成無勞好事長攜酒多管窮愁不著書陳平豈

合長貧賤莊叟今纔悟死生固迥異崔信明楓落

吳江冷所見不逮所聞者又云余素不喜漁洋秋

柳詩論者謂如初寫蘭亭恰好好處特震於其名

耳邇來和作尤多恐前賢轉當畏後生也如霖川  
伍君嘗三疊其韻疊村字韻云娟娟白露芙蓉岸  
點點青霜薜荔村又云奉使當年留北館卜居何  
日到南村疊論字韻云莫唱陽關三疊曲舊人寥  
落不堪論疊王字韻云賦鴈獨憐羊叔子詠蟬深  
感駱賓王疊稀字韻云邗溝自古留題遍汾水如  
今折贈稀疊違字韻云回首洛陽佳麗地酒旗歌  
板與心違又云江潭枯樹憑誰賦庾信多情未忍  
違疊綿字韻云青瑣夜闌風瑟瑟紅橋秋盡雨綿  
綿疊年字韻云歸來陶令非前度老去章郎異昔  
年又云憔悴那能禁此日風流猶爲記當年又云  
那知張尹還家日又到桓公出塞年疊邊字韻云  
怪來無限傷心樹半在銅駝落照邊俱淒婉可誦  
茶村詩話霖川再從兄幼卽喜吟詩屢舉不第年  
三十三竟卒故稿中多噍殺抑塞之音金谷已淪  
玉樓遽召天胡此酷然就詩而論殆吾家白眉也  
歲戊子與箕山姪校刻其遺詩而箕山墓草亦宿  
矣悲夫

登高

九月悲風發登臺雨未成黃雲千里捲紅葉萬山明旅雁  
紛南向羈人尙北征

謂馮宗山  
顏心齋

憑高一回首無處不傷情

踏青

隨意尋芳得得來每逢佳處輒徘徊  
洞山蒼水碧千重轉李白桃紅兩畔開  
二月韶光春又半百年駒影事堪哀  
銅臺金谷俱黃土誰與清明酌一杯

古意寄顏黼堂張雲藻

結交少年時相隨不忍離君爲比翼鳥  
我作合歡枝胡爲此遠行契闊將何貽  
遺君連理枕聊以表相思相思無別語  
多半惜春詞伊昔君別我花開正歲  
麩如今我憶君花落何離披春風迭  
寒暖春月再盈虧良時不可再使我  
中腸悲唯願同心侶努力青雲期

秋闈報罷

忼慨悲歌對落暉十年窗下意多違  
敢言宇宙知音少只

楚庵著書遺詩集上

三

悔平生所學非赴壑龍蛇廿久蟄  
入雲鴻鵠任高飛名場六度空相賺  
從此人間作布衣

陳春田出示遊白雲山詩並連日招飲詩以報之

一雙遊屐欠追隨枉示雲山畫裏詩  
白雪陽春原寡和清風明月輒相思  
浮名已屬三生夢暢飲何妨十日期  
最是  
有懷愁欲絕橫窗疎影有梅枝

遊花田

近水園林好花開擬縱探閒乘青雀  
舫徑渡白鵝潭嘉植紛如許清遊只  
自耽不愁歸棹晚明月印溪南

三月三日

勝事從來說秉蘭春風楊柳又堪攀  
落紅已過清明雨潑

翠還登上巳山共喜年光三月好况逢禰飲幾人閒那堪  
俛仰成陳迹我亦題詩語帶蠻

溪中卽目

偶乘幽興到前溪微雨東來夕照西最是陰晴難定處溼  
鳩乾鶻一時啼

立秋夜宿呂石帆滋樹山房

院落蕭閒枕簟清共將懷抱話殘更陳平豈合長貧賤莊  
叟今纔悟死生破睡但須憑茗椀忘憂聊復對棋枰夜吟  
不覺秋風急金井梧桐葉有聲

守歲用高常侍除夜韻

燈殘漏盡耿無眠守歲家園亦黯然回首春風三十度幾

會如願過年年

楚庭耆舊詩後集上

四

廣東火  
民圖書  
館圖書

